

FANDRAISANA

…ao amin’ny tendako nohon’ny favoriana maro, dimy ambin’ny folo tany Arizona. Nanana fotoana nahafinaritra izahay. Ny Tompo Jesosy dia nitahy anay nihoatra, betsaka. Niezaka niasa kely fotsiny tamin’ny paikadin’ny Tompo izy ireo, matoky an’izao aho, fa izany no fomba marina hametrahana azy, miditra dia mandrehitra an’ilay toerana, aloha. Nandeha andro maro mialohan’ny fotoana aho, nanana favoriana folo na roa ambin’ny folo tao amin’ireo fiangonana lehibe goavana rehetra nanerana ny Phoenix, Sunnyslope sy Tempe sy Mesa ary midina avy eo, ary somary nandrehitra azy rehetra ka nitarika azy rehetra tao amin’ny favoriana hariva dimy avy eo. Ary izany no favoriana goavana indrindra izay nanananay tany Amerika Avaratra. Anankiray lehibe izany. Ilay sakafio maraina goavana indrindra, ary—ary koa ilay—ilay fanasana tamin’io hariva io.

² Tsy afaka milaza mihitsy aho hoe firy no nandray ny Fanahy Masina. Izany dia—izany dia nahatalanjona ny hoe firy no nandray ny Fanahy Masina, sy hoe firy no sitrana ary—ary voavonjy, izany—nahafinaritra fotsiny izany. Noho izany dia mankasitraka an’Andriamanitra isika satria mahita ny fotoana mandroso isika. Lehilahy malaza maro no niditra. Anankiray amin’ireo . . .

³ Hanao soa marobe ho an-dRahalahy Neville izao. Nahita mpitoriteny Presbyterana aho, avy amin’ny Kolejy Presbyterana lehibe indrindra ao amin’ny . . . ao amin’ity firenena ity, nandihy tao amin’ny Fanahy. Oh, oadray, tena zavatra iray tokoa izany, nandray ny Fanahy Masina izy. Ary niteny tamiko izy avy eo, hoy izy hoe, “Manana anankiray amin’ireo horonam-peonao aho.” Hoy izy, “Tsy tena tsara ilay izy.” Hoy izy, “Somary mitsambikina ilay izy, saingy,” hoy izy, “nentiko avy hatrany tany amin’ny kolejiko izany ary nalefako.” Ary hoy izy . . . Satria lehilahy malazan’ny fandinihana momba ny saina tany, dia nihazona azy ireo hangina izy. “Eny, nihaino an’Izany indray mandeha izy ireo, na ahoana na ahoana,” hoy izy. Ary nilaza izy fa izy dia nanana . . .

⁴ Ary nilaza izy fa nandihy tao amin’ny Fanahy tao ampiangonany, rehefa avy nandray ny Fanahy Masina, ka hoy izy ireo hoe, “Revera, rahoviana ianao no hianatra famindra vaovao?”

⁵ Hoy izy hoe, “Rehefa mianatra an’ity anankiray ity ny fiangonako.” Nieritreritra aho hoe tena mahafatifaty izany, fantatrareo, laharam-boninahitra Presbyterana, eny, no nanao hoe, “Rehefa mianatra an’ity anankiray ity ny fiangonako.” Noho izany dia zavatra tsara iray izany. Tahaka ny zazakely iray

mihitsy, vaovao fotsiny kanefa izy dia efa... Eny, fantatrareo izay tsy maintsy haha-izy azy, ho profesoran'ny fandinihana momba ny saina an'ilay Kolejy Presbyterana lehibe indrindra any Boston, eny, eto Etazonia izany.

⁶ Efa nahita ny anankiray tamin'ireo sefon'ny Mayo mpandidy fo nitory ny Filazantsara tao amin'ny Fanahy aho ary niteny tamin'ny fiteny tsy fantatra. Oh, oadray! Efa nahita manampahaizana hafa aho, izay Adventistan'ny andro Fahafito iray, avy amin'ny... Izay dia ma—ma—manam-pahaizana iray eo amin'ny fo sy tenda ihany koa, ary izy, lehilahy antitra iray, dia nandray ny batisan'ny Fanahy Masina. Nandray an'Izany izy. Indray hariva dia nametraka ny tànako teo aminy aho tao anatin'ny kianja, ary nandray ny Fanahy Masina izy. Noho izany isika dia... tena zavatra maro mihitsy no nataon'ny Tompontsika izay ankasitrarahantsika, ary indrindra ny mahita amin'izao fotoana izao.

⁷ Noho izany dia hoy aho tamin'izy ireo hoe, “Fantatrareo ve hoe tamin’ny firy ora no nanomboka nangataka solika ireo virijiny natory?” Izany no fotoana nahatongavan’ilay Mpampakatra, ary ny olona, ireo Hany vonona no niditra. Oh, tena faly aho ny mahafantatra fa miaina amin’ireto andro farany ireto isika. Hitanareo? Mino aho fa isika dia miaina ao amin’ireo fotoana goavana indrindra izay hany fantatr’izao vontolo izao, eo ankatoky ny Fihavian’ny Tompo mihitsy. Tsy mahafinaritra ve izany? Eritrereto, fa saiky amin’ny fotoana rehetra mihitsy ankehitriny, efa saiky tanteraka mihitsy ny Soratra rehetra! Ary noho izany dia miandry Azy amin’ny fotoana rehetra isika. Ary tokony hiaina eo ambanin’ireo karazana fiandrasana ireo isika, hoe, amin’ny fotoana rehetra mihitsy dia mety hitranga izany. Aoka hivavaka, ho vonona!

⁸ Teo amin’ny sasany tamin’ireo fifampiresahana androany, izaho, anankiray, nihaona tamin’ny misionera iray avy any Formosa aho, vehivavy mahery fo, telo amby fitopolo taona, nefo toy ny mihoatra ny dimy amby efapolo taona. Ary izy dia mbola ny—Ramatoakely iray foana, ary tsy maintsy efa tovovavy tsara tarehy iray. Ary nilaza izy fa izy dia notezaina tao amin’ny tokantrano Kristiana iray izay “eny” dia midika eny, ary “tsia” dia midika tsia. Ary lehibe teo ambanin’izany fampianarana hentitra izany izy. Dia hoy izy hoe, “Ranadahy Branham, tamin’ny taona teo amin’ny, oh,” hoy izy, “teo amin’ny valo taona teo, no neveriko fa nanolorako ny fiainako ho an’ny Tompo Jesosy.” Hoy izy hoe, “Teo amin’ny roapolo taona teo, dia voafitaky ny mpitoriteny ara-anaram-piangonana anankiray aho, hoe tsy maintsy mandray ny tso-dranoko faharoa aho,” ary hoy izy, “ary tena voafitaka mafy tao anatin’izany aho.” Saingy hoy izy hoe, “Teo amin’ny fito ambin’ny folo taona teo, dia nandray ny Fanahy Masina marina tokoa aho.” Ary miverina eto izy ankehitriny mba hiezaka ny hamoha an’ireo fiangonana

Batista matory ireo. Nilaza izy fa raha—raha nisy zavatra iray izay hitany fa “maty,” Batista iray ny tenany, hoy izy hoe, “dia ireto fiangonana Batista maty eto ireto.” Izy dia niantso azy ireo hoe “tranom-paty.”

⁹ Hoy aho hoe, “Eny, ataoko fa rehefa eny amin’ny lohan’ady ianao...” Heveriko ankehitriny fa izy dia...Eritrereto fotsiny, izaho, roa amby dimampolo, efa misionera iray izy talohan’ny nahaterahako. Ary noho izany dia mieritreritra aho fa tena miha-antitra aho mba handeha eny amin’ny saha. Dia mieritreritra aho hoe, “Oadray, mamelà ahy, Tompo.”

¹⁰ Ary izy, mahafinaritra, mamiratra sy manjelatra arak’izay mety naха-izy azy mihitsy. Ary avy eo dia niteny tamiko an’ireo fahatsapana nanerana ny lаlana, sy hoe ahoana fa nilaina ny Filazantsara tany Formosa sy—sy Chine, ary Japon, sy ny sisa. Noho izany dia nesorin’izy ireo teny amin’ny saha izy, nanao hoe, “Tsy afaka mandeha eny amin’ny saha ianao rehefa mihoatra ny fitopolo taona, fantatrao.” Noho izany dia nesorin’izy ireo izy. Saingy tsy hipetraka tsara izy, mandeha mankany amin’ireo fivoriana Batista rehetra ireo izy. Ary hoy izy hoe, “Billy Graham,” hoy izy, “ny fomba nitondrany an’ilay hafatra Batista, dia fahafaham-baraka iray ho an’ny fiangonana Batista.” Hoy izy, “Tsy nentiny lavitra loatra izy ireo mba hahazo ny Fanahy Masina,” hoy izy. Oh, ranabavy, mijanònà tsara amin’izany ianao. Mety tsara izany. Nilaza izy, fa ireo Sinoa any ireo, nilaza izy fa tsy hamela azy ireo handeha fotsiny izy ka hanao hoe, “Mino an’i Jesosy Kristy izahay.” Hoy izy, “Nety tsara izany,” saingy nilaza izy fa nanao azy ireo hijanona eo mandrapitrangan’ny zavatra iray, ary amin’izay fotoana izay vao lasa tena Kristiana izy ireo.

¹¹ Hoy aho hoe, “Tahaka an’izany ilay izy, ranabavy. Teneno fotsiny izy ireo, avelao fotsiny izy ireo hipetraka mandrapitrangan’ny zavatra iray.”

¹² Ahoana moa raha nilaza ireo apostoly, ankehitriny, taorian’ny sivy andro hoe, “Mino isika fa nahazo Azy, hitanareo, ndao fotsiny isika hanaiky Azy amin’ny finoana ka handroso miaraka amin’ny asantsika.” Hitanareo, tsy ho nety mihitsy izany. Niandry izy ireo mandra-pahafantatr’izy ireo fa nisy zavatra nitranga. Ary izany no olana amintsika amin’izao andro izao, tsy mijanona ela loatra isika. Eny, izany no antony hoe taorian’izany dia afaka miaina fotsiny ny karazam-piainana rehetra isika, manao ny zavatra rehetra, ka tsy manelingelina antsika izany, satria tsy mijanona eo ela loatra isika. Androany dia ao anatiny isika, rahampitso dia any ivelany, ary tahaka an’ity sy tahaka an’itsy. Raha mijanona ela loatra isika mandrapiditrareo ka manidy ny varavarana aorianareo, dia hijanona eo ianareo arak’izany. Voaisy tombokase ianareo hatramin’ny andro fanavotana anareo. Tena faly aho ny amin’izany.

¹³ Ary nanana fotoana iray lehibe izahay, araka ny nolazaiko, tany Phoenix sy nanerana an'ilay lohasaha ary maro tamin'ireo Kristiana tany, maro tamin'izy ireo no nifikitra tamin'ny heriny.

¹⁴ Niakatra teny amin'ny South Mountain aho, ny vadiko iry aoriana iry, sy izaho. Indray andro Rehefa . . . ireo sakaiza . . . Ny rahalahiko Doc no niambina an'ireo zazavavy anankiroa, ary—ary Rahalahy sy Ranabay Wood no niambina an'ilay zazalahy, ary izaho sy ny vadiko nanao volan-tantely iray faharoa. Dia hoy izy hoe, "Bill, fantatrao, ity anankiray ity dia volan-tantely iray nihoatra noho ilay anankiray voalohany." Hoy izy hoe, "Ny fotoana voalohany nandehanantsika teo amin'ny volan-tantely iray, ny zavatra tokana nataoko dia ny nipetraka tao amin'ny toby iray ary niandry anao ho tonga avy tany amin'ny fihazana," hoy izy.

¹⁵ Somary nampiasa paikady kely aho, fantatrareo. Nieritreritra aho hoe, "Eny, ankehitriny, tsy manana vola betsaka aho." Nitahiry tao anaty boatin'ny masirasira iray aho, ampy handehanana eo amin'ny dia fihazana iray, kanefa saika hanambady aho tamin'io lohataona io. Noho izany dia nieritreritra aho hoe, "Hampiarahako fotsiny ilay izy," fantatrareo. Ary—ary raha satria handeha eo amin'ny dia fihazana iray aho, dia ho izany ilay volan-tantely, fantatrareo, ary noho izany dia nakambanay. Fa tamin'ity fotoana ity dia noneranay izany ary nandeha marina tokoa izahay, ka, nahoana, nanana fotoana iray lehibe.

¹⁶ Ary maro tamin'ireo avy amin'ny tabernakla eto no tonga. Mino aho fa Rahalahy Sothmann, ny fianakaviany dia iry aoriana iry, sy Rahalahy Tom Simpson sy izy ireo, ary Rahalahy Maguire, ary nanana fotoana lehibe tao amin'ny Tompo izahay rehetra.

¹⁷ Ary noho izany dia niakatra teo amin'ny South Mountain izahay, izay eo atsimon'i Phoenix fotsiny, ary niakatra mba hiala amin'io fanerena io. Ah! Ny fanereny tanàna moderina iray! Tsy mahagaga fa rehefa manomboka mitombo ny olona eto ambonin'ny tany, ny fahotana, sy ny herisetra dia mitoetra. Ary njery aho teo ambony teo, ary nipetraka tena avo mba ahafahanay mahita an'ilay lohasaha'n'i Phoenix, nilaza tamin'ny vadiko aho hoe, "Manontany aho hoe impiry, hatramin'ny nipetrahantsika teto tao anatin'io dimy ambin'ny folo minitra io, no nanaovana ny Anaran'ny Tompo ho tsy misy dikany ao amin'io tanàna io?" Hmm?

¹⁸ Saiky, eny, ao amin'ny faritry ny tanàn-dehibe, raha raisina i Tempe sy—sy Sunnyslope, ary manerana any, dia ataoko fa misy olona iray tapitrisa mihitsy ao anatin'io lohasaha io. Hoy aho hoe, "Telonjato taona lasa izay dia tsy nisy afatsy raketa sy alikadia teto. Ary izy angamba, eo imason'ny Tompo, dia tsaratsara kokoa ho azy ny niverina tahaka an'izany."

Marina izany. Na dia ilay tanàna lehibe—lehibe izay naorin’izy ireo eo aza, sy ireo trano tsara tarehy sy ny sisa, dia tsara. Saingy ho mahafinaritra izy, ho tsaratsara kokoa ho azy raha nandeha nandroso sy niverina teny an-dàlambe ireo lehilahy sy vehivavy miaraka amin’ny tanany mitsangana, manome voninahitra an’Andriamanitra sy misaotra Azy. Saingy, raha tokony ho izany, dia ozona ilay izy, fahadalana, fisotroana. Avelao hiditra fotsiny ny fandrosoana, dia ho eo ny faharatsiampanahy.

¹⁹ Hoy aho hoe, “Fijangajangana firy no natao omaly hariva, omaly alina tao amin’io tanàna io! Mamolava firy! Tokantrano firy... Firy—zavatra mikorontana firy no efa vita tao anatin’ny ora farany, tao amin’io tanàna lehibe io!”

²⁰ Dia nilaza tamiko ny vadiko, nilaza zavatra tahaka an’izao izy tamin’izay, raha nieritreritra aho, “Inona no ilaina hahatongavana eto raha izany? Nahoana ianao no niala ny trano mba ho tonga eto?”

²¹ Noho izany dia hoy aho hoe, “Ity ilay izy. Aorian’io rehetra io, izay ao amin’ny ankamaroany marina tokoa, saingy misy havitsiana kely iray ao. Vavaka mahatoky firy no niakatra omaly hariva tao, tonga tao amin’ny favoriana fotsiny?”

²² Ary tena tsara tamintsika Izy ka tena hipoka ireo fiangonana talohan’ny filentehan’ny masoandro, ka tsy afaka nuditra teo an-tokontany akory aza ianareo nanerana an’ilay toerana. Ary ireo rafi-pandaminana sy ny sisa ireo, ary nandrotsaka Ny Fanahiny ny Tompo ka nitahy azy ireo. Ary tsy nisintona totohondry mihitsy aho, nanohy nanisy totohondry avy hatrany mihitsy teo amin’ny Filazantsara. Ary matetika, mazava ho azy, dia tena mafy ilay izy, saingy izany no fomba tokana ahafantarako azy. Mafy ilay izy ato. Noho izany dia hihamafy kokoa izany eo amin’ny Hazo Fitsarana rehefa tsy maintsy hitsangana eo amin’izany isika. Noho izany, ny rehetra, zavatra iray be voninahitra izany. Ary te-hisaotra ny fiangonana eto izahay nohon’ny vavaka sy ny fifikirany aminay, ary—ary ny fihazonana anay eo akaikin’ny hazo fijaliana.

²³ Ary ankehitriny dia tafaverina ato an-trano arak’izany, ato, ary tokony ho tonga aho aninkeo maraina angamba mba hivavaka ho an’ny sasany amin’ireo marary. Manana fifampiresahana maro aho izay miandry, toe-javatra izay ny sasany tamin’izy ireo dia azoko tamin’ireo andro vitsy hatramin’ny naha-teto ahy, niandry iray volana hatramin’ny nahalasanako. Noho izany dia miezaka izy ireo ny hampiditra azy ireo haingana mihitsy arak’izay vitany, hitondra azy ireo avy any amin’ireo toerana samihafa izay ipetrahan’izy ireo.

²⁴ Raha sitraky ny Tompo, ao anatin’ny roa herinandro mihoatra eo, dia handeha ho any Tucson aho, eo amin’ilay ampahany ambany izany. Ary ankehitriny ireo mpandraharaha

amin'ity fotoana ity, noho izany ianareo dia afaka mivavaka ho an'io... Tsy tiako mihitsy ny hanao na inona na inona raha tsy mino aho aloha fa sitrapon'ny Tompo ilay izy. Ankehitriny, ilay fivoriana manaraka dia any Modesto ary avy eo avy any dia any Washington, ilay fanjakana, Washington, ary any Zurich, avy eo Palestina, ary avy eo any Afrika Atsimo. Ary izany rehetra izany dia miseho eo anelanelan'ny ankehitriny sy ny Jona. Ary nasaina aho mba ho mpiresaka ao amin'ireo fivoriana rehetra ireo. Ary mety hanome ahy fanararaotra iray izany hahatongavana any Afrika Atsimo indray. Ny antson'izy ireo, isam-bolana dia mahazo fanasana izahay. Saingy raha ny anankiray...

²⁵ Misy fahavakisana goavana ao amin'ireo fiangonana, ireo fiangonana Pentekotista. Ary raha mandeha eo amin'ilay ilany iray ianareo, dia tsy te-hanao na inona na inona amin'izany ilay hafa. Tsy hiara-hiasa izy ireo, noho izany dia nihemotra fotsiny aho ankehitriny nandritry ny teo amin'ny dimy taona teo miaraka amin'ny antso iray ato am-poko mba handehanana. Ary ankehitriny, angamba raha hampiditra ahy ireo mpandraharaha, dia ampy handaminana fotsiny, avy amin'ny lafiny roa izany, hitanareo, ary noho izany dia izany no manao azy rehetra hifankahazo. Tsy maintsy tonga izy rehetra ary hiara-hiasa ao amin'izany satria ireo ilaina ara-bola an'ny—ireo ilain'ny fiangonan'izy ireo dia eo, noho izany dia tsy maintsy tonga izy ireo hitandro ny voninahiny, hitanareo. Noho izany dia mety ho izany no sitrapon'ny Tompo, kanefa, tsy fantatro. Toa mety tsara izany, saingy tsy fantatro.

²⁶ Ary avy eo, amin'ity taona ity, dia Rahalahy Borders no nanome ahy an'ilay handehanana na ireo fanasana. Ary, amin-kitsim-po, izany dia boky indroa tahaka an'izao ny hateviny izay tonga hatramin'ny Krismasy farany, ireo fanasana manerana. Sarotra loatra ho an'ny fisainan'olombelona iray ny manandrana hamaha an'izany, noho izany dia tsy naka ny iray tamin'izy ireo aho. Haka fivoriana anankiray fotsiny aho, ary hiandry ka hahita an'izay tenenin'ny Tompo amiko handehanana manomboka eo, amin'izay aho vao handeha any amin'ilay manaraka, ary avy eo ilay manaraka, ary na aiza na aiza Teneniny amiko handehanana. Noho izany, dia mivavaha ho ahy.

²⁷ Tsaroako tamin'ny taon-dasa, tany niaraka tamin'i Rahalahy...na tany amin-dry Ranabavy Cox tany, rehefa niantso ahy handeha hankany amin'io dia ho any Anchorage io Rahalahy Arganbright. Ahoana moa raha nandeha tamin'izany tamin'ny alalan'ny fanombatombana fotsiny aho hoe nety tsara ilay izy?

²⁸ Ankehitriny, nieritreritra an'izany aho, *manombatombana*, efa nitory teo amin'izany lohahevitra izany aho. Nilaza aho fa rehefa lasa tany aho, niteny tamin'ireo zazalahy ao amin'ny

horonam-peo hoe, “Aza manao horonam-peo. Aza mandeha manao horonam-peo, hitory eo amin’ireo lohahevitra iray ihany izay efa notoriako teto aho.” Heveriko fa efa nitory anankiray izay efa notoriako teto aho, ny sisa tamin’izy ireo dia ireo vaovao daholo. Ary Rahalahy Maguire no manana azy ireo, izy rehetra.

²⁹ Manombatombana. Noho izany raha nandeha aho, *nanombatombana* tany, dia azo antoka fa ho hafa noho izay nisehoany izany, tsy ho tanteraka ilay fahitana. Fa tanteraka ilay fahitana, ary mahalala tsara an’izany ianareo rehetra, hoe ahoana no nitahian’ny Tompo.

³⁰ Ankehitriny, misy zavatra hafa iray izay efa tao am-poko ela be. Ry fiangonana, mivavaha ho an’izany. Ianareo olona rehetra eto dia mahafantatra fa hatramin’ny naha-zazalahy kely iray ahy dia tsy afa-po mihitsy aho ato amin’ity faritra ity. Naniry mafy foana ny any Andrefana ny foko manontolo. Ary tsaroako rehefa nanopaka ahitra ho an’ny rafozam-baviko aho tany amin’ilay toerana kely izay ny... an’ilay fiangonana eto, io toerana io. Nipetraka teo amin’ny tohatra aho, ary niiresaka tamiko ny Fanahy Masina, hoy Izy hoe, “Tsy afaka mitahy anao betsaka Aho raha tsy mankatô Ahy feno ianao, tahaka an’i Abrahama.” Hitanareo? Ary, Abrahama, niteny taminy Andriamanitra mba hanasaraka ny tenany ka handeha irery. Ary, rehefa nanao izy, dia nitondra ny rainy niaraka taminy, ny zana-drahalahiny. Fa rehefa nankatô tanteraka an’Andriamanitra i Abrahama, tamin’izay fotoana izay dia nisy fahatanterahana manontolo iray an’izay nampantanenain’Andriamanitra azy. Ary ilay tady, ny anankiray tamin’ireo tady lehibe izay namatotra ahy teto, dia ny reniko. Fantatrareo izany. Ary ankehitriny dia efa lasa niaraka amin’ny Tompo Jesosy i neny. Ary izaho—tsy fantattro izay lâlana ihodinana, inona no hatao, noho izany dia mivavaha ho ahy.

³¹ Ankehitriny, Rahalahy Neville, nandroso nankeo amin’ny lampihazo aho, nieritreritra aho hoe, “Eny, handeha any aho.” Nihaona tamiko ny olona iray ka nanao hoe, “Oadray, manana fotoana betsaka izy ireo izao hariva izao.” Hoy izy, “Hanana fotoan’ny toriteny izy ireo, fotoan’ny hira, fotoan’ny vavaka, ary avy eo dia hitaty ny rakitra, ary avy eo dia nilaza fa hanao ny—hanao ny fanasan-tongotry ny fandraisana, ary fotoan’ny batista.”

³² Nieritreritra aho hoe, “Rahalahy mampalahelo! Oadray! Oadray, izany rehetra izany, fantattro hoe inona izany, rehefa avy nitory teny mafy angamba aninkeo maraina.” Ankehitriny, nieritreritra aho hoe, “Handalo any aho, ho tiandy hanolotra ny fandraisana angamba aho.”

³³ Dia hoy izy hoe, “Hiresaka ho anay ve ianao izao hariva izao raha mahatsapa ho voatarika ianao?” Noho izany dia fantattro

ny dikan'izany. Koa noho izany dia niala aho ka naka Soratra iray eto ary naka naoty vitsivitsy, ary hanampy ahy angamba ny Tompo mba hitondra Hafatra fohy iray fotsiny eo amin'ny adiny efatra eo, ary avy eo isika dia hanana ny—ny fanasan-tongotsika, ary avy eo ny fandraisana. Ary avy eo, ary, oh, izaho, angamba hahavita alohan'izany aho avy eo. Tsia, namazivazy anareo fotsiny aho. Eo amin'ny roapolo, telopolo minitra eo, ary avy eo dia hanana ny batisa isika, tongotra-... Inona no manaraka an'ity, fandraisana? Ny fandraisana no manaraka an'ity, avy eo dia ny fotoan'ny batisa.

³⁴ Ankehitriny, faly izahay fa hatao batisa ianareo. Ankehitriny, raha sitrak'Andriamanitra ka mahafaly Azy izany, ary mety tsara amin'ny pasitera sy ny olona ilay izy, amin'ny Alahady heriny maraina dia ho tonga aho hivavaka ho an'ny marary, sy hiresaka, raha sitraky ny Tompo, amin'ny Alahady ho avy izao, satria izaho angamba amin'ny Alahady manaraka dia ho lasa indray avy eo. Ary ankehitriny raha mbola eto aho, dia tiako ny ho tonga ka—ka hiresaka eto, satria somary miaramiasa miaraka izahay amin'ny maha-mpirahalahy, ary izaho sy Rahalahy Neville eto, ary izahay—mifankatia izahay, ary izahay—izahay—tianay ny hijanona hifanakaiky sy hifanampy satria...

³⁵ Toy ny hoe manevateva ity, saingy antenaiko fa tsy ho tahaka an'izany ilay izy aminareo, nilaza Atoa. Cory indray mandeha, izy... tao amin'ny fampielezan-kevitra momba ny jiro aho, nivarotra takamoa ho an'ny orinasa. Ary nividy takamoa betsaka izy izay haharitra hatramin'ny efatra na dimy taona ho azy, niverina aho ka nividy Ford iray taminy. Hoy izy hoe, "Billy, mino aho fa mifampihaotra lamosina mihitsy isika." Koa izany dia, eny, karazany mifanampy kely amin'ny fotoan'ny filàna. Koa izany dia—tsara izany. Fantatsika hoe ahoana no ahatongavana hifamonjena sy hifanampiana.

³⁶ Ankehitriny, ndao isika handeha eo amin'ilay ampahan'ny fahatsoram-po an'izany ankehitriny, ary raha tsy diso aho, dia mino aho fa mahita an-dRahalahy Beeler ery aoriana ery, rahalahy mpitoriteny hafa iray. Ary androany rehefa nandalo aho, dia nitsangana teto tao an-tokotany i Rahalahy Junie Jackson niaraka tamin-dRahalahy Creech. Manao favoriana iray matetika ve izy ireo eto? Fotoan'ny batisa, hitako. Eny àry, afaka manome an'ilay rano isika raha hitondra an'ilay kandidà izy ireo. Isika—manana ny rano isika, eny àry.

³⁷ Noho izany ankehitriny, satria hanana ny fandraisana isika, dia nieritreritra aho fa ho tsara raha hiresaka ny amin'ny fandraisana aho mandritry ny minitra vitsy fotsiny.

³⁸ Ankehitriny, alohan'ny hanatonantsika ny Teny, dia ndao isika hametraka ny zavatra rehetra eny amin'ny sisiny ankehitriny, sy ny fomban'ankizy sy an-jazantsika rehetra,

ka—ka hanatona ao amin'ny Fanatrehan'Andriamanitra amin'ny vavaka. Ndao isika hivavaka. Ankehitriny miaraka amin'ny lohantsika miondrika, ary matoky aho fa ny fontsika ihany koa, raha misy fangatahana iray ato izay ho... tianareo hampahafantarina an'Andriamanitra, ka tianareo aho hahatsiaro anareo eo anatrehan'Andriamanitra, dia hamela an'izany ho fantatra amin'ny fananganana ny tànanareeo amin'Andriamanitra fotsiny ve ianareo. Andriamanitra anie hanaiky ny fangatahan'ny isanisany sy ny tsirairay avy.

³⁹ Andriamanitra Tsitoha, ilay Rain'i Jesosy Kristy Tomponay, Izay nanangana Azy tamin'ny maty ka nametraka Azy eo an-tànana ankavan'an'ny Fiandrianana, velona mandrakizay mba hanao fanelanelanana eo amin'ireo zavatra izay inoanay fa Nataony ho anay, sy ekenay fa tahaka an'izany ilay izy. Mivavaka izahay Tompo Andriamanitra, mba izao hariva izao, mba Hamelanao ny fahotanay. Oh, te-hijanona eo ambanin'ilay Rà foana izahay, satria tsy fantatray fotsiny izay mety hitranga. Ny zavatra rehetra dia saiky mifarana, mahatsapa izahay, Tompo, fa antomotra ny fihavian'ny Tompo. Ary miomana ny hanao dia iray izahay. Ary raha mieritreritra ny amin'ny dia iray izahay, dia mety mieritreritra an'ireo valizy, sy—sy fitafiana mihoatra ary kiraro mihoatra. Fa hafa toy ny ahoana ity dia ity! Tsy famehezana entana ilay izy; famahana entana ilay izy, manaisotra. Tahaka ny Mpanomponao lehibe, Paoly, izay nilaza ao amin'ny Bokin'ny Hebreo, ny toko faha-12 hoe, “Manaisotra ny mavesatra rehetra sy ny tsi-finoana izay malaky mahazo antsika isika, mba ahafahantsika mihazakazaka amin'ny faharetana an'ilay hazakazaka izay mipetraka eo anoloantsika.”

⁴⁰ Ary tsy afaka maminany zavatra tsara ho an'ity izao tontolo izao moderina ity izahay ankehitriny. Ny zavatra tokana azonay aminaniana amin'ny alàlan'ny Fanahy dia loza, olana, horohoron-tany, samonta lehibe, ny masoandro sy ny volana mihalefy, ny fiangonana ao amin'ny taona Laodikiana, Kristy any ivelan'ny varavarana, mandondòna mba hiditra. O Andriamanitra! Tahaka an'i Mikaia fahiny mihitsy, ahoana no ahafahanany hitso-drano an'i Ahaba nefo nanohitra azy ny faminaniana? Rehefa io mpaminany mahery lehibe io, Elia, no nanatona azy, ary satria nanala ny ain'io lehilahy tsy manantsiny io izy, Nabota, noho izany dia hoy izy hoe, “Ny alika no hilelaka ny rànao.” Noho izany dia ahoana no ahafahan'i Mikaia haminany zavatra tsara?

⁴¹ Ahoana no ahafahan'ireo zanaka feno ny Fanahy an'izao andro izao haminany ny tsara amin'ny vahoaka mpanota iray, tsy miraika izay nandroaka ny Tompo any ivelany? O Andriamanitra, mahita ny ngidin'ny fitsarana fotsiny ihany eo aloha izahay. Ary miantsoantso an'ireo izay tsy mahitsy hoe, “Mandosira mankany amin'ny Tompo, satria Izy no Vatolampy

amin'ny tany mangetana! Izy no Fialofana amin'ny fotoan'ny tafio-drivotra. Ary ny Anaran'ny Tompo dia Tilikambo Mahery, ary ny marina miditra ao Aminy ka voaaro." Ahoana fa afaka mieritreritra an'ireo tanàna lehibe voaorina izahay, ho fialofana, ary rehefa ilay mpanaraka . . . taorian'ny nidirany sy ilay lehilahy tao anatin'ilay-ilay tilikambo, dia voaaro izy, tsy misy na inona na inona afaka nikasika azy. O Andriamanitra, aoka izahay hihazakazaka ary handeha haingana hankany amin'ny Tompo, satria Izy no Fialofanay sy Herinay, ary tena fanampiana manatrika amin'ny androm-pahoriana. Noho izany, amin'ny fahitana amin'ny alàlan'ny masom-boromahery, arak'izay nahaizy azy, ny olana miforona, ireo rahona mitangorona, ny kotokorana sy ny tselatry ny fitsarana midina miraraka eo ambonin'ny tany, dia fantatray fa antomotra ilay tafio-drivotra.

⁴² Izao hariva izao, Tompo, dia mivavaka ho an'ireo eto izay nanangana ny tànany izahay. Tsy fantatro izay ilain'izy ireo, Ray, Ianao no mahafantatra. Mivavaka aho mba Hanomezanao ny zavatra rehetra ho an'ireo fanahiny sarobidy, izay dikany ao ambadik'io tànana izay nitsangana io. Ekeo izany, Tompo. Sitrano ny marary. Ampionony ny reraka. Omeo fifaliana ny ory. Omeo fiadanana ny reraka, fahano ny noana, ampisotroy ny mangetaheta, fifaliana ho an'ny malahelo, hery ho an'ny fiangonana. Tompo, ento eto afovoanay Jesosy izao hariva izao, raha miomana ny handray ny fandraisana izahay izay maneho ny Vatany nopolohina. Mivavaka izahay, Tompo, mba Hamangiany anay amin'ny fomba hafa kely.

⁴³ Tahio ity fiangonana kely ity, ny pasitera malalany, ny Rahalahinay Neville sy ny fianakaviany, sy ireo diakona, ireo mpitantan-draharaha, ary ny olona tsirairay izay manatrika. Tahio ireo hafa, Tompo, ny rehetra manerana an'izao tontolo izao, izay miandrý am-pifaliana ny fihavian'ny Tompo, ny fanilo voadio, ny fivoahan-tsetroka mangirana tanteraka, ary ny Hazavan'ny Filazantsara hamiratra ao amin'ireo toerana maizina.

⁴⁴ Ankehitriny, ampio aho, Tompo, miaraka amin'ireto Teny vitsy ireto. Tahio Izany raha mamaky Azy izahay, ary omeo anay ilay tsoa-kevitra, fa mangataka an'izany amin'ny Anaran'i Jesosy izahay. Amena.

⁴⁵ Ankehitriny isika dia mety hamadika ao amin'ny Boky, ny toko faha-6-n'ny Masindahy Jaona, ary ho tsara raha ny tsirairay avy amintsika no hamaky an'ity toko manontolo ity rehefa mody. Tiako ny hamaky, manomboka amin'ny andiminy faha-47, midina hatrany amin'ny faha-59, manontolo, mba ho fomba iray fotosiny hanorenana lahateny eo amin'ny lohahevitra hoe: *Fandraisana*.

Jesosy no miresaka ankehitriny, tao amin'ilay fetys. Fotoana iray lehibe izany, ireo fetys ireo izany. Nisotro rano avy tamin'ny vatolampy izy ireo, hanehoana an'ilay Vatolampy izay tany an-

efitra. Ary nihinana izy ireo, ny mana izay nilatsaka an-jato taonany maro lasa, ho fahatsiarovana. Izany dia fetin'ny paska iray fotsiny, tahaka ny ananantsika izao hariva izao.

Marina tokoa, marina tokoa, lazaiko aminareo, Izay mino ahy no manana fiainana mandrakizay.

Izaho izany mofon'aina izany.

Ny razanareo nihinana mana tany an-efitra, nefo maty.

Ity no mofo izay midina avy any an-danitra, izay olona mihinana azy, dia tsy ho faty.

Izaho no mofo velona izay nidina avy tany an-danitra: raha misy olona mihinana an'ity mofo ity, dia ho velona mandrakizay izy: ary ny mofo izay homeko dia nynofoko, izay homeko ho an'ny fiainan'izao tontolo izao.

Noho izany dia nifanditra ireo Jiosy, nanao hoe, Ahoana no ahafahan'ity lehilahy ity hanome antsika ny nofony mba hohanina?

Ary eo dia hoy Jesosy tamin'izy ireo, Marina tokoa, marina tokoa, lazaiko aminareo, Raha tsy mihinana ny nofon'ny Zanak'olona ianareo, sy misotro ny ràny, dia tsy manana fiainana ianareo ao anatinareo.

Izay mihinana ny nofoko, sy misotro ny ràko, no manana fiainana mandrakizay; ary izaho no hanangana azy amin'ny andro farany.

Fa ny nofoko no tena fihinana, ary ny ràko no tena fisotro.

Izay mihinana ny nofoko, sy misotro ny ràko, no mitoetra ao amiko, ary izaho ao aminy.

Tahaka ny nanirahin'ny Ray velona ahy, ary izaho velona amin'ny Ray: toy izany koa izay mihinana ahy, dia ho velona amiko mihitsy aza izy.

Ity ilay mofo izay nidina avy tany an-danitra: tsy tahaka ny razanareo izay nihinana ny mana, nefo maty: fa izay mihinana...ity mofo ity dia ho velona mandrakizay.

Ireo zavatra ireo no nolazainy tao amin'ny synagoga, raha nampianatra tao Kapernaomy izy.

⁴⁶ Enga anie ny Tompo hitahy Ny Teniny. Izaho dia maniry ny, mandritry ny minitra vitsy fotsiny, hiresaka eo amin'ny: *Fandraisana*. Inona no dikan'ny teny hoe *fandraisana*? *Mifandray* dia midika hoe “miresaka.” Mba hananana... *Fandraisana* dia midika marina hoe “manana fiombonana, mifampiresaka.” Raha miresaka amin’ny olona anankiray amin’ny telefona ianareo, manohy resaka eo, dia mifandray ianareo. Ary raha hisintaka isika ka hitsangana ery aorian’ny

tranobe, ny isam-batan'olona rehetra sy ny pasitera, na olona anankiroa, dia mifandray izy ireo.

⁴⁷ Ankehitriny, tsy mifandray amin'ny radio ianareo, satria tsy afaka mamaly ianareo, na televiziona. Fa rehefa . . . Afaka ianareo amin'ny alàlan'ny telefona, satria mifandray ianareo, tsy ny andaniny iray fotsiny. Izany dia . . . Tsy afaka mifandray aminareo aho ankehitriny, satria tsy afaka mamaly ianareo. Koa, noho izany, izany dia tsy tonga mba hihaino mpitoriteny iray manome ny hafany. Izany dia tsy ho, fahatongavana miaraka, mba hifandray. Tsy ho izany no fandraisana. Raha tonga fotsiny ianareo mba hifandray amin'ny mpitoriteny, dia hiantso azy emy amin'ny sisiny ianareo, na isam-batan'olona iray, ary mifandray aminy na aminy.

⁴⁸ Fa ny hidirantsika, ny fandraisana, dia ho an'ny tsirairay avy amintsika amin'ny maha-isam-batan'olona mba hifandray amin'ny Kristy. Izany no firaisansa. Noho izany, ny firaisansa dia tsy ny *anankiray* ihany no manao ny firesahana, tsy isika no manao ny firesahana rehetra, fa miandry ary mijery an'izay Avaliny amintsika.

⁴⁹ Ankehitriny eo no, matetika, no hanaovantsika ny fahadisoantsika lehibe, dia, isika no manao ny firesahana rehetra ary tsy miandry sy manome Azy anjara iray mba hamaliana. Indraindray isika dia mandeha, manao hoe, "Tompo, tiako Ianao hanao an'izao-sy-izao ary izao-sy-izao, amena," dia mitsangana ary miala. Ankehitriny, tsy izany marina tokoa ny firaisansa. Izany dia mandeha ary mangataka fankasitrahana iray. Fa rehefa mijanona ela mandra-Pamaliny ianareo, dia amin'izay no hahazoanareo fifandraisana, firaisansa miaraka amin'ny Tompo. Ankehitriny, ary ny fomba lehibe anankiray mba hiraisansa, dia ny mifanaraka, tsy maintsy mifanaraka eo amin'ny zavatra anankiray ianareo. Ankehitriny, ary hafahafa fa indraindray rehefa mahazo an'ireo zavatra ireo isika . . .

⁵⁰ Ny mihinana dia mifandray amin'izany. Ankehitriny, makà olona mpandrahahaha, rehefa te-hanao fifampiraharahana amin'ny asa izy ireo, dia hanasa olona anankiray ho an'ny sakafao hariva. Ary avy eo dia mipetraka izy ireo ary misakafo, ka mifampiresaka. Ny mpivarotra tsara iray, mazàna dia tsy afaka hiresaka amin'ny olona iray amin'ny vavony foana izy. Ny tsara indrindra dia ny miandry mandra-pahatsapany ho tsara, ary aorian'ny hihinanany ny sakafao marainany izany. Aza mankany ka hanala azy eo am-pandriana ary hiteny azy momban'ny zavatra izay amidinareo aminy, fa andraso mandra-pihinany ny sakafao marainany ary—ary ho mety tsara amin'ilay fepetra.

⁵¹ Indray andro, dia nitory ny amin'ilay vehivavy izay nanasa ny tongotr'i Jesosy aho, tany Canada aho no niresaka an'izany, nilaza fa rehefa tonga mba hamangy olon-kafa iray ny nasaina iray, io olona io dia nanana dingana anankiray izay tsy

maintsy narahan'izy ireo alohan'ny nahatsapan'izy ireo tokoa fa mendrika ny ho tonga mba hamangy na hifandray. Ny famangiana dia firaisana iray. Ankehitriny, tonga izy ireo eo amin'ny . . . Nasaina, tokony ho nasaina aloha ianareo. Avy eo dia tonga eo am-baravarana ianareo ary hanasa ny tongotra ilay mpiasa trano, satria nohon'ny dia, ianareo dia hanana ny fofon'ny—an'ireo biby sy ny sisa teny an-dàlana. Izy rehetra . . . ny olona rehetra dia nandeha tamin'ilay lâlana iray ihany niaraka tamin'ireo biby, ary—ary avy eo dia nisy fofona sy vovoka, ka nandray an'izany ilay akanjo Palestinianiana ary nametraka an'izany teo amin'ny hatsembohan'ny ranjo, sy teo amin'ny tarehy izay tsy nisarona, ary—ary teo amin'ny tânama. Ary—ary izy ireo dia nanakana azy ireo teo am-baravarana, ilay mpiasa trano no nanakana, ka nanasa ny tongotr'izy ireo. Ary dia lehilahy hafa anankiray no nitsangana teo miaraka amin'ny lamba famaohana sy a—alabastara iray, ka namafy an'ilay alabastara teo amin'ny tânama izy ireo, ary nikosoka an'izany tahaka an'izao, dia—dia nikosoka an'izany teo amin'ny tarehin'izy ireo, avy eo dia maka an'ilay lamba famaohana ary namafa ny tenan'izy ireo. Izany no nanala an'ireo loto sy fofona rehetra. Ary nisy zavatra anankiray tao anatiny izay manome fampangatsiahana, tahaka ny menthol, ary izany no nanao azy ireo hahatsapa tsaratsara kokoa.

⁵² Avy eo rehefa niditra izy ireo, tsy niaraka tamin'ireo kiraronareo maloto tranainy, teo amin'ireo karipetra tsara ireo, izy ireo dia nanana kely, tahaka ny kiraro lamba kely iray, ary niditra izy ireo. Ary noho izany ilay—ilay nasaina dia niditra ary—ary amin'izay fotoana izay ilay mpandray vahiny no—no nanoroka azy ireo ho tongasoa. Ary, hitanareo, tsy tianareo hanoroka anareo ilay mpandray vahiny raha maimbo ianareo. Tsy te-handeha eo amin'ilay karipetra ianareo rehefa maloto. Ary amin'izay fotoana izay ilay mpandray vahiny dia hanoroka anareo ho tongasoa, ka amin'izay fotoana izay dia isan'ilay tokantrano mihitsy ianareo.

⁵³ Ary, ankehitriny, Andriamanitra dia manana zavatra tahaka an'izany. Alohan'ny hahavonona antsika marina tokoa ho an'ilay fifandraisana amin'Andriamanitra, dia tsy maintsy ho sasana amin'ny ranon'ny Teny aloha isika. Fisarahana, ireo ranon'ny fisarahana izay manasaraka antsika amin'ireo fahotantsika. Ankehitriny, voalohany, tsy afaka miresaka amin'Andriamanitra ianareo ary tsy afaka mifandray amin'Andriamanitra, ary misy . . . Voalohany, tsy maintsy mibebaka ny amin'izay nataonareo ianareo, satria tsy afaka mino mihitsy ianareo mandra-pibebakareo hoe, “Tompo, mamelà ny tsi-finoako.” Hitanareo? “Mamelà ny tsi-finoako.” Tsy maintsy mibebaka ianareo, aloha. Ary, rehefa mibebaka ianareo, amin'izay fotoana izay ianareo dia . . . voavela ireo fahotanareo tany aloha, avy eo dia kandidà ho an'ny batisa

ianareo amin'izay fotoana izay. Ankehitriny, avy eo, dia nampanantena ny Fanahy Masina Izy aorian'ny batisa.

⁵⁴ Ankehitriny, ilay zavatra dia, izay, eo amin'ity fifandraisana ity, hitantsika fa nisy fa—fanasan-tongotra sy zavatra mifandray amin'izany, ihany koa, ny manasa ny tongotsika, ho mari-pamantarana iray an'ilay fahadiovan'ny Fanahy Masina.

⁵⁵ Ankehitriny, avy eo, dia tsy maintsy misy fahatsapana iray iombonana. Raha manana fifandraisana mihenjana amin'ny ny mpandray vahininareo ianareo, amin'izay fotoana izay ianareo—tsy afaka mifandray ianareo. Tsia, ianareo—tsy afaka manao an'izany ianareo, satria tsy mifanaraka aminy. Fa raha mifanaraka ianareo, amin'izay fotoana izay dia afaka mifandray. Tahaka an'izany ilay izy rehefa tonga eo amin'ny latabatry ny Tompo isika, tokony hifanaraka amin'Ny Teniny isika. Hitanareo? Tsy maintsy hateraka indray isika, ilay Fanahin'Andriamanitra ao anatintsika no manao hoe "amenà" amin'ny Teny rehetra izay Voasorany, amin'izay fotoana izay vao afaka mifandray Aminy isika.

⁵⁶ Ity no ananantsika avy amin'Andriamanitra, raha tsy manameloka antsika ny fontsika, amin'izay fotoana izay dia mahita sitraka amin'Andriamanitra isika. Fantatsika fa azontsika ireo fangatahantsika sy ny fitakiantsika, satria tsy manameloka antsika ny fontsika. Ankehitriny, raha miteny amintsika Andriamanitra hoe tsy maintsy ateraka indray isika, nefy tsy nandray an'ilay fahateraham-baovao, amin'izay fotoana izay dia hahatsapa ho hafahafa kely isika raha mandeha, mangataka zavatra Aminy, hitanareo, satria fantatsika fa tsy nahatanteraka an'ireo Fitakiany isika. Ny zavatra tokana amin'izay fotoana izay dia vavaky ny mpanota iray. Fa miresaka Aminy isika rehefa ao amin'ny fiombonana Aminy, izany no mitondra firaisansa.

⁵⁷ Ankehitriny, izany no mamokatra firaisansa, tiako ny hanazava vetivety. Ankehitriny, raisintsika, ilay antsointsika hoe *fandraisana*, dia ny mofo sy ny divay. Ankehitriny, izany dia efa tena diso faneho hany ka tsy tsara akory aza ny miresaka an'izany. Oh, toy ny ahoano no efa naha-diso faneho an'izany nanerana an'ireo taona! Tsy izany marina tokoa ny fandraisana, izany dia fitandremana didy iray fotsiny. Hitanareo? Ankehitriny, ny antony iantsoantsika azy hoe fandraisana, dia satria avy tany amin'ny fikambanana Katolika izany amin'ny hoe "Eokaristia Masina, izay vatan'ny Tompo Jesosy ara-bakiteny." Saingy tsy ny vatan'ny Tompo Jesosy izany! Izany dia fahatsiarovana ny Vatany fotsiny ihany.

⁵⁸ Tsy ahoako na pretra firy na mpitory teny, na iza na iza mitso-drano an'izany, dia mbola mofo sy divay foana izany. Tsy misy pretra izay isika... miteny amintsika izy ireo, hoe, "Andriamanitra dia voatery hihaino an'ilay pretra rehefa

mamadika an'ilay fandraisana izy," izay antsoin'izy ireo hoe fandraisana, "ny Eokaristia, ao amin'ny vatan'ny Tompo Jesosy ara-bakiteny. Noho izany dia mandray an'izany ilay mpino, ary izany no fandraisana." Diso izany!

⁵⁹ *Mifandray* dia "miresaka amin'ny, mifandray amin'ny, zavatra izay azonareo iresahana ary hamaly anareo izany." Izany no firaisansa. Ny hostia dia tsy afaka mamaly. Noho izany, raha ny marina, ny tena fandraisana dia ny Fanahy Masina mamaly. Rehefa mangataka Aminy ianareo, avy eo dia mamaly Izy, izany no fandraisana marina. *Ity* dia fahatsiarovana iray, ny mandray ny... an'ny Fanohomboany sy ny Fitsanganany, fa tsy fandraisana. Isika no miantso azy an'izany, fa tsy izany ilay izy. Avy amin'ny fiangonana Katolika izany, ny amin'ny fandraisana an'ity hostia ity araka ny nandalovantsika indray andro tao amin'ny lamina, ary niresaka nikasika an'izany teo amin'ny *Fanompoan-tsampy Manohitra Kristianisma*.

⁶⁰ "Ahoana fa ity hostia boribory ity no vatan'i Kristy ara-bakiteny." Ankehitriny, mino an'izany ny fiangonana Katolika. Efa mba voamarikareo ve, rehefa mandalo fiangonana iray, dia manao lakroa amin'ny tenany izy ireo, manainga ny satrony, sy ny sisa? Tsy ilay fiangonana izany, izany dia ilay hostia ao anatiny, "io vatana izay navadiky ny pretra avy amin'ny hostia iray io ho ny vatan'i Kristy ara-bakiteny," nefo azon'ny voalavo sy totozy entina. Nahoana, ianareo dia tsy, tsy afaka mieritreritra amin'ny fisainana mandroso ka mieritreritra fa silaka mofo iray dia ho ny vatan'ny Tompo Jesosy! Tsy mety izany.

⁶¹ Ny *fandraisana* dia "miresaka, ary mamaly izany, zavatra iray izay iresahanareo." Ny tena teny hoe *mifandray* dia midika hoe "miresaka amin'ny," na, "mikambana amin'ny zavatra iray izay mamaly anareo." Ary mamaly anareo Andriamanitra, fandraisana. Ary mbola mofo sy divay foana izany, izay antsointsika hoe *fandraisana*.

⁶² Ankehitriny, hoy Jesosy eto, araka ny novakiako hoe, "Ny Vatako dia sakafo sy fisotro, Ny Ràko, ny vatana sy Rà dia sakafo sy fisotro."

⁶³ Ankehitriny, tantsika ny mieritreritra ny amin'i Jesosy sy hikambana Aminy, izay naха-изи Азы. Inona ny Vatany? Inona ilay vatan'i Kristy? Izany dia ilay vatan'ireo mpino izay mikambana Aminy ao amin'ny Fanahy Masina. Tsy sampy iray, tsy silaka mofo iray, fa Fanahy iray izay ao am-pon'ilay mpino, ary mikambana miaraka izy ireo, izany dia rehefa afaka mifampiresaka ny olona sy Andriamanitra, ireo zanakalahy sy zanakavavin'Andriamanitra. Ny olona mety maty, tamin'ny alàlan'ny fandrarahana ny Rà no nitondra ny famelàna ny fahotana, ka io lehilahy io sy io vehivavy io, zazalahy na

zazavavy, izay manana fiombonana amin'i Kristy, dia mifandray Aminy, ilay vatana.

⁶⁴ Tahaka ny vady lahy iray sy vady vavy izay hipetraka ka hifampiresaka, na zazalahy iray sy ny sakaiza vaviny, no ifandraisani Kristy sy Ny Fiagonany miaraka. Izany no antony ahafahantsika mandre avy Aminy, sy mahita ny ho avy alohan'ny ahatongavany eto, ary afaka miteny ny ho avy hoe tanteraka ilay izy, satria mifandray amin'Andriamanitra iray Izay mihazona ny Mandrakizay eo an-Tanany isika. Mifandray, ilay Vatan'i Kristy, ilay Vatan'i Kristy mahagaga, ara-panahy. Tsy mikambana amin'ny karazana sampy iray, na mofo iray na di—divay iray, fa ao amin'ny—endrika ara-panahy iray.

⁶⁵ Ankehitriny, nilaza an'ilay zavatra iray ihany Jesosy. Raiso ny Masindahy Jaona, ny toko faha-4, niresaka tamin'ilay vehivavy teo amin'ny fantsakana, niresaka teo amin'ny zavatra iray izy toy ny hoe, "Ny razanay dia nisotro teo amin'ity loharano ity, sy nangady an'ity fantsakana ity, Jakoba, ary—ary nanome ho an'ireo zanany sy ny biby fiompiny, an'ity rano ity, nefo Ianao milaza hoe, 'Mivavaha ao amin'ny tanàna anankiray,' ary ny sasany milaza hoe 'Ao amin'itsy tendrombohitra itsy.'"

⁶⁶ Jesosy dia—dia nanao fotsiny hoe, "Iray minitra fotsiny! Jiosy izahay, ary azonay hoe inona izany, inona no dikan'ny mivavaka. Fa henoy izao, ravehivavy. Ho avy ny ora, ary tonga ankehitriny, izay hivavahan'ireo mpivavaka marina amin'Andriamanitra amin'ny Fanahy sy ny Fahamarinana. 'Ny Teninao no Fahamarinana.' Ary ny Ray dia mitady ny tahaka an'izany hivavaka Aminy amin'ny Fanahy sy amin'ny Teny, ny Fahamarinana. 'Ny Teninao no Fahamarinana.'" Ankehitriny, niteny an'izany tamin'ilay vehivavy Izy.

⁶⁷ Hitanareo, Kristy... Andriamanitra dia Fanahy. *Kristy* dia midika hoe "ilay anankiray voahosotra, lehilahy iray voahosot'Andriamanitra," izany no nanao Azy ho Kristy. Ankehitriny, hoy Kristy hoe, "Izaho dia Sakafo sy Fisotro." Tsy hostia iray, tsy hostia iray izay raisintsika eto. Tsy Kristy izany. Ilay divay izay sotrointsika eo amin'ny alitara, dia tsy Kristy. Maneho Azy izany, ao amin'ny fomba ara-endrika iray. Fa Kristy dia ny Fanahy Masina, ilay hosotra izay eo amin'ilay Fiagonana, izany ilay Sakafo sy ilay Fisotro.

⁶⁸ Ny antso lehibe indrindra izay misy eto amin'izao tontolo rehetra izao, manantena aho fa tsy nisy iray taminareo mba efa nandre an'izany, fa, raha mba efa nandre ianareo, dia tsy misy antsoantso azo oharina amin'ny antsoantson'ny hanoanana. Rehefa mahita reny iray miaraka amin'ny zazakeliny ianareo, ka tsy afaka mandeha izy fa tena malemy, ary eo am-pahafatesana ilay zazakely, miaraka amin'ny kibony mibontsina nohon'ny hanoanana, mandre an'ireo sentosento mivoaka avy ao amin'ny fon'io reny io, mahita an'io zazakely io miaraka amin'ny takolany

milentika hany ka hoditra sy taolana izy ireo, ary mamiratra ireo vangy keliny, ka tsy afaka manao tabataba iray izy, zara, ny maso keliny feno taimaso. Tsy misy antsoantso mitovy amin'ny hanoanana sy ny hetaheta.

⁶⁹ Tao amin'ireo tany efitra, lehilahy firy no efa nahavery ny ainy nohon'ny hetaheta! Tantara maro, izay azoko hihazonana anareo mandrity ny alina manontolo, ireo tantara marina an'ny tany efitra. Ahoana fa rehefa ianareo no lasa... lasa mangetaheta, dia ahoana fa ny devoly dia manome anareo rendririendry iray. Efa nahita azy ireo ianareo teto, tsy voatery handeha any Andrefana ianareo hahita azy ireo. Mandehana eny an-dàlana, ary ilay izy dia toy ny hoe misy rano eo amin'ilay lâlana. Ny tsirairay avy aminareo dia efa nahita an'izany, izay namily fiara sy efa teny amin'ilay lâlana malalaka. Rendririendry sandoka iray izany. Teto fotoana vitsy lasa izay, teo amin'ny telo na efa taona lasa izay, namaky aho fa nisy ganagana vitsivitsy, nanidina nanerana ny firenena, nahita rendririendry iray ary nianjera teo amin'ny lâlana, nihevitra fa nidona tamin'ny rano izy ireo. Ary neparitaka fotsiny izy ireo, nidona tamin'ilay lâlana mafy, nihevitra fa nippetraka tao anaty rano izy ireo, rendririendry iray.

⁷⁰ Impiry no efa nanaovan'ny devoly an'io zavatra iray io ihany tamin'ny olona, manome azy ireo rendririendry sandoka iray, nefo, tsy misy na inona na inona eo, fa mody-finoana iray fotsiny ilay izy. Olona maro be amin'izao andro izao no manana fivavahana mody-finoana iray, miezaka ny manamboamboatra zavatra na mihambo fa misy zavatra iray nefo tsy izany ilay izy! Tahaka ny nolazain'ilay vehivavy kely misionera fa niandry izy mandra-pahatonga azy ho pozitifa. Tsaratsara kokoa amintsika ny manao an'izany. Tsy afaka miverina ianareo ka hanandrana an'izany indray. Manana anjara anankiray ianareo, ary manana an'ilay Drafitra, noho izany dia tsaratsara kokoa amintsika ny mandeha avy hatrany mankeo amin'ilay tanjona.

⁷¹ Ny antsoantson'ny hanoanana, henoy, antsoantso iray lehibe izany satria antsoantsom-pahoriania iray. Eo am-pahafatesana ilay olona. Ary, oh, raha afaka ho tonga eo amin'izany toerana izany isika, raha ity firenena ity no afaka ho tonga eo amin'ny toerana iray izay tena haha-noana azy an'Andriamanitra! Izany no mosary ratsy indrindra noho ireo firenena tahaka an'i Inde izay matin'ny hanoanana ara-batana, maty ny hanoanana arapanahy ity firenena ity. Fa rehefa avy noana ela loatra ianareo, izany dia tonga eo amin'ny toerana izay tsy ahafantaranareo fa noana ianareo.

⁷² Tahaka ny matin'ny hatsiaka. Rehefa tonga hatreo ianareo, matin'ny hatsiaka, lasa tena mangatsiaka ianareo, avy eo afaka kelikely dia lasa mafana ianareo. Ary rehefa mafana ianareo, dia eo am-pahafatesana! Ary izany ilay olana izao hariva izao. Lasa

tena mangatsiaka ireo fiangonana hany ka matin'ny hatsiaka izy ireo, ary mihevitra fa mafana, amin'ny alàlan'ny mambra, nefo eo am-pahafatesana ara-panahy. Eo am-pahafatesana! Tsy mahafantatra an'izany. Farany, mitsilany izy mba hatory, ary izay ihany ny aminy. Tsy mifoha intsony izy, satria mivaingana ao anatin'ny lalan-dràny ny ràny.

⁷³ Ankehitriny, mangetaheta. Hoy Jesosy hoe, “Ny Ràko no tena fisotro.” Raha noana fiainana ianareo, noana fiainana, dia Jesosy no manana an’ilay rano tokana izay afaka mampitony an’io hetaheta io. “Mankanesa aty Amiko, ianareo rehetra izay miasa fatratra sy mavesatra entana.” Any amin’ny Apokalypsy, Izao no voalaza hoe, “Aoka izay mangetaheta hankeo amin’ireo loharanon-dranon’ny Fiainana ka hisotro maimaim-poana.” Raha mangetaheta Fiainana ianareo!

⁷⁴ Hitantsika fa ireo mpandinika kintana dia milaza mialoha, fa indray andro amin’ity ampahany voalohan’ny volana ity, manomboka amin’ny faharoa na ny fahatelo, na any ho any amin’ity volana ity, ireo mpandinika kintana Indiana dia milaza mialoha fa hipoaka ho potipotika izao tontolo izao. Fa ireo gazety Amerikana dia maneso an’izany. Tsy mino mihitsy aho fa hipoaka ho potipotika izao tontolo izao, saingy milaza mihitsy aho fa ratsy ny maneso an’izany. Satria, misy zavatra natao hitranga indray andro any, zavatra mitovitovy amin’izany, rehefa ireo planetia dimy, Mars, Jupiter ary Venus, sy—sy ny sisa, no tonga ao amin’ny—ny . . . Tsy mbola nanao an’izany mihitsy izy ireo. Oh, mihambo izy ireo fa tamin’ny dimy arivo sy roa alina taona lasa izany, saingy iza no tany hahafantatra an’izany?

⁷⁵ Milaza mialoha aho fa manana fampiharana iray arapanahy io. Mino aho fa izany no fampidirana ny fanontaniana ny amin’Andriamanitra, hoe hisokatra mandritr’ity fotoana ity ireo fanambarana lehibe an’ny Teny. Tsarovy, mihambo izy ireo fa nisy kintana telo no niditra tao amin’ny fihodinany rehefa teraka Jesosy. Ary ity dia dimy, ary ny dimy dia fahasoavana, ny isan’ny fahasoavana. Ny telo dia isan’ny fahatanterahana. Ny dimy dia isan’ny fahasoavana, J-e-s-o-s-y, [Amin’ny teny Anglisy dia J-e-s-u-s,—Mpand.] f-a-h-a-s-s-o-a-v-a-n-a, [g-r-a-c-e] f-i-n-o-a-n-a, [f-a-i-t-h] sy ny sisa. Isan’ny fahasoavana! Raha hany mandefa ny Heriny ho an’ny fiangonana Andriamanitra, dia ho ny Fahasoavany, tsy ho ny fankatoavan’ny olona izany. Ary Isaia no nilaza, ao amin’ny toko faha-40, ahoana no “hiantsoantsoana amin’i Jerosalema, fa efa vita ny adiny,” kanefa meloka amin’ny fanompoan-tsampy izy, fa ny fahasoavan’Andriamanitra no nandefa an’izany. Raha mandefa na inona na inona amintsika Andriamanitra, dia ho ny Fahasoavany izany fa tsy ny fahamendrehantsika. Noho izany, dia mety midika zavatra iray izany. Milaza mialoha aho fa hisy fiovana iray. Tsy fantattro hoe ho inona izany, saingy mino aho

fa natao hitranga izany. Isika dia eo amin'ny . . . eo ankatok'izany mihitsy ankehitriny.

⁷⁶ Ary raha misy olona iray noana, dia aoka izy hanatona an'i Kristy. Raha misy olona iray mangetaheta, dia aoka izy hanatona an'i Kristy. Izy no mampitony ny hetaheta. Izy no Mpanome fahafaham-po ny hetaheta sy ny hanoanantsika rehetra.

⁷⁷ Nanana tantara iray aho izay notenenina tamiko indray andro lasa. Mety efa niteny an'izany tato amin'ity fiangonana ity aho. Raha niteny aho, dia mamele ahy ianareo amin'ny famerenana azy mba hahatratra an'ilay toerana fotsiny. Nisy mpitari-dàlana Indiana iray, na, karazana mpanara-maso ambony iray an'ireo Indiana. Nanao dia tany amin'ny firenena Navajo izy, ary lasa very. Ny anarany dia Coy. Ary nandeha teo amin'ny lâlan-kely iray izy, lâlan-kelin'ny haza, ary nieritreritra izy hoe, "Ankehitriny, raha mandeha amin'ity lâlan-kely ity aho, dia azoko antoka fa hahita rano." Ary tena nangetaheta ny soavaliny hany ka nihantona nivoaka ny lelany, maina, nivadika mena ireo lavak'orony ka feno vaingam-pasika. Nihazona ny mosarany teo amin'ny tarehiny izy tao anatin'ny tafiotram-pasika hany ka nivaingana ilay izy, ary ho levona izy, nohon'ny rano. Ary nitarika ny soavaliny izy rehefa nahita an'ilay lâlan-kely. Ary nilaza izy, rehefa niakatra teo ambonin'ilay soavalny fa hitany io lâlan-kelin'ny haza io, dia hoy izy, "Azo antoka fa hitondra ahy hankany amin'ny rano izy." Noho izany dia nanisy lasely ny soavaliny izy ary nanomboka nandeha teo amin'ilay lâlan-kely.

⁷⁸ Ary fantatr'ilay soavalny ihany koa fa teo amin'ilay lâlan-kely mankany amin'ny rano izy. Toy ny ahoana no anomezan'Andriamanitra fahafantarana ho an'ireo biby moana! Dia nandeha teo amin'ilay lâlan-kely izy. Farany, dia nisy vitsy nivily niala nankeo amin'ny lafiny anankiray, tena vitsy no nivily niala tamin'ilay lâla-masaka. Te-hivily nankany amin'io lâlana io ilay soavalny, fa i Coy nihevitra hafa. Niegaka nihazona azy tao amin'ilay lâlan-kely midorehitra tsara izy, ka nanomboka nidina fa tsy nety nandeha ilay soavalny. Nanindrona azy izy, ka nihika izy ary nanomboka tamin'ilay lâlana hafa. Dia nanomboka nandihy izy. Tena nalemy izy mba hanjera azy.

⁷⁹ Noho izany dia nanomboka namely an'ireo fanindronana taminy indray izy, hany ka nandidy an'ilay soavalny, tena taitaitra mba ho tonga eo amin'ilay rano, mba ho voatahiry ny ainy, hany ilay soavalny ka nitsangana, nangovitra, nivoa-drà. Dia niondrika izy, niondrika teo, nangovitra tahaka an'izany izy ary saiky lavo teo amboniny. Nijery azy izy, ary nahita an'ilay rà teo amin'ny lanivohony. Kristiana iray izy. Dia nilaza tamin'ny soavaliny izy, hoy izy hoe, "Efa reko matetika fa ny dia . . . na, ireo bibidia dia manana fahafantarana iray. Ilay izy dia tsy toy ny hoe

io andiany kely bitika izay nivily niala tamin'io làlana io no handeha ho any amin'ny rano. Ilay izy dia toy ny hoe ity làlana lehibe eto ity no hitarika mankany amin'izay andehanan'izy ireo tsy ankitsahatra mankany amin'ny rano." Fa hoy izy, "Raha efa nitondra ahy am-pahatokiana hatreto ianao, dia hanaraka ny fahafantarana aho."

⁸⁰ Oh, toy ny ahoana no iheverako an'izany mikasika an'i Kristy! Ny làlana mankany amin'ny fandravàna dia misy andry sy midorehitra manerana an'ilay làlana, saingy misy làlan-tery iray izay mitarika mankany amin'ny Fiainana. Vitsy no hahita an'Izany. Izao ihany, tsy fahafantarana, fa ny Fanahy Masina no hamily anareo mankany amin'io ranon'Aina io. Heveriko, Izany no nitondra ahy ho voaavotra hatreto, handray an'Izany aho amin'ny sisa amin'ilay làlana.

⁸¹ Mba hamaranana an'ilay tantara, izy—tsy nandeha antsasaky ny maily iray izy, hany ka, tampoka teo, dia nitsoraka tao anaty lava-drano goavana iray ilay soavalys mahatoky. Fantatr'ilay soavalys izay noresahany, izay dikan'ny fomba fanehoany tamin'ilay—ilay mpitangin-tsoavalys. Niditra tao izy. Nilaza izy fa nanipy rano tao anatin'ny oron'ilay soavalys. Nampandro ny tenany izy, niantsoantso sy nihorakoraka izy, ary nihiaikiaka teo amin'ny tampon'ny feony, ary nandraraka rano tao amin'ny tendany, ka niantsoantso hoe, "Voavonjy isika! Voavonjy isika! Voavonjy isika!" Ary ilay soavalys, nisotro, sy nangovitra. Ary njery an'ireo lanivohony nivoa-drà izy, avy eo dia nivontovonto tanteraka noho ireo mariky ny fanindronana.

⁸² Ary nilaza fa tamin'izay fotoana izay mihitsy, nilaza izy . . . nandre olona iray nanao hoe, "Mivoaha avy ao amin'ny rano." Dia njery izy, ka nisy cowboy kely iray naradratra nitsangana teo. Dia niala tao amin'ny rano izy. Ary nilaza izy fa nanimbolo afo, dia njery izy, ka nisy andian-dehilahy nitoby teo. Efa teo amin'ny asa fikarohana iray izy ireo. Nahita volamena vitsivitsy izy ireo, ary teo amin'ny làlana niverina dia nitondra an'ireo soavaliny ary soavalys mpitondra entana, ka tonga teo amin'io lava-drano io izy ireo dia niala sasatra, ary mamo izy rehetra.

⁸³ Dia nilaza izy fa nahandro henan'osidia vitsivitsy izy ireo, ka nihinana niaraka tamin'izy ireo izy. Ary nilaza, hoy ny iray tamin'izy ireo hoe, "Misotroa." Noteneniny tamin'izy ireo hoe iza izy, izy no Jack Coy, ilay—ilay mpitari-dàlana Indiana. Noho izany dia hoy izy hoe, "Eny, ankehitriny, misotroa."

Hoy izy hoe, "Tsia," hoy izy, "tsy misotro aho."

⁸⁴ Ary karazana faniratsirana ho an'ireo olona ireo izany. Noho izany dia hoy izy hoe, "Hisotro miaraka aminay ianao!"

Hoy izy hoe, "Tsia, tsy misotro aho."

⁸⁵ Noho izany dia natolony ilay tavoara, ka nanao hoe, “Misotroa!” Mamo, izy rehetra, fantatrareo, saiky antsasaky ny roa ambin’ny folo.

Ary noho izany dia hoy izy hoe, “Misaotra anareo, ry tovolahy.”

⁸⁶ Hoy izy, “Raha tena tsara ho hanina ny henan’osidianay, dia tena tsara ho sotroina ny whisky-nay.”

⁸⁷ Ary fantatrareo hoe ahoana izy ireo, mamo. Dia hoy izy hoe, “Tsia,” hoy izy.

⁸⁸ Dia nampiditra bala tao anatin’ilay basy izy ireo, ka nanao hoe, “Ankehitriny dia hisotro ianao raha tsy izany dia hafa!”

⁸⁹ Hoy izy hoe, “Tsia. Tsia, tsy hisotro aho.” Dia nanomboka nampikendry an’ilay basy izy. Hoy izy, “Vetivety fotsiny.” Hoy izy, “Tsy matahotra ny ho faty aho.” Hoy izy hoe, “Izaho—tsy matahotra ny ho faty aho.” Hoy izy hoe, “Fa izaho—tehiteny aminareo ny tantarako aho alohan’ny ahafatesako, ny antony tsy isotroako.” Hoy izy, “Kentuckiana iray aho.” Hoy izy hoe, “Ary tao amin’ny trano hazo keliko indray maraina, izay nisy reny iray nandry teo am-pahafatesana, dia niantso ahy ho eo an-tongom-pandriany izy, ka nanao hoe, ‘Jack, ny rainao dia maty niaraka tamin’ny tranon-karatra iray teny antanany, teo amin’ny latabatra, mamo.’ Dia hoy izy, ‘Aza misotro mihitsy, ry Jack, na inona na inona ataonao.’” Dia hoy izy, “Teo amin’ny handrin’ny reniko no nametrahako ny tanako. Ary nampanantena an’Andriamanitra aho, zazalahy kely iray folo taona, fa tsy handray ny fisotroako voalohany mihitsy aho.” Hoy izy hoe, “Tsy nandray an’izany mihitsy aho.” Ary hoy izy, “Ankehitriny raha te-hitifitra ianao, dia tifiro fotsiny.”

⁹⁰ Ary dia nampakatra ny basiny ilay mamo ka nanolotra an’ilay tavoara indray, nanao hoe, “Raiso ity raha tsy izany dia hitifitra aho!” Ary tamin’izay fotoana izay mihitsy dia nirefotra ny basy iray ka nitresaka ilay tavoara.

⁹¹ Nisy cowboy antitra kely nitsangana teny amin’ny ilan’ny havoana iray, naradratra, niaraka tamin’ny ranomasonry nikoriana teo amin’ny takolany. Hoy izy hoe, “Jack, avy any Kentucky ihany koa aho. Nanao fampanantenana iray tamin’ny reniko aho indray andro, saingy nosimbaiko ny fampanantenako.” Hoy izy hoe, “Niandry aho mandrapahamamo tanteraka an’ireto zalahy ireto, ary saika hamono an’ilay andiany manontolo amin’izy ireo aho, na ahoana na ahoana, haka ny volamena izay azony.” Hoy izy hoe, “Saingy efa mamolava iray aho ary efa nanao ratsy. Fa,” hoy izy, “azoko antoka fa rehefa nanakoako nanerana an’ireo havoanan’ny Lanitra ny basiko, dia nandre ahy nanao fanomezan-toky iray ny reniko hoe tsy hanao an’izany intsony indray aho.” Ary teo, nohon’ny fahasoavan’Andriamanitra, dia nitarika an’ireo olona rehetra ireo teo amin’i Kristy izy, ireo rehetra teo ireo.

⁹² Hitanareo, misy zavatra mikasika ny rano, zavatra mikasika ny fampangatsiahana. Ny foto-kevitro dia, mandeha mankeo amin'ilay rano rehefa mangetaheta ianareo. Misy zavatra ataony aminareo, dia ny mandeha eo amin'ilay rano rehefa mangetaheta ianareo.

⁹³ Ankehitriny, hoy Izy hoe, “Ny Fiadanako no Avelako aminareo. Ny Fiadanako no Omeko anareo.” Tsy tahaka ny anomezan’izao tontolo izao anareo ny fiadanana, fa ny fomba Anomezany anareo ny fiadanana. Ny Fiadanany no mampitony ny hetahetantsika. Raha maniry fatratra ny fiadanana isika, amin’izay fotoana izay dia ndao isika hampangatsiahana ao amin’ny Fiadanany, mba hahafantatra fa manana fiadanana isika miaraka amin’Andriamanitra amin’ny alàlan’i Jesosy Kristy Tompontsika. Izy no Mpanome-fiadanana ho antsika izay mampitony ny hetahetantsika.

⁹⁴ Ilay andininy izay milaza hoe, “Izy no tena Sakafo sy tena Fisotro.” Manana marika kely aho eto, ny andininy faha-57, “Tena Sakafo sy tena Fisotro.” Henoy izay Nolazainy eto.

Ary tahaka ny nanirahan’ny Ray velona ahy, ary izaho velona amin’Ny Raiko: toy izany koa izay mihinana ahy, dia ho velona amiko izy.

⁹⁵ Amin’ny teny hafa, “Ny Ray no naniraka Ahy, ary Izaho velona Aminy. Ary ny olona rehetra izay manatona an’i Kristy dia tsy maintsy velona amin’i Kristy.” Oh, oadray, eo ianareo izao, izany no fandraisana. Izany no tena fandraisana izay hitanareo rehefa velona amin’i Kristy ianareo.

⁹⁶ Ankehitriny, mila sakafo sy fisotro isan’andro ny tenantsika, mba hahari-miaina, ny tenantsika ara-batana. Raha tsy mihinana sakafo isan’andro sy misotro isika, amin’izay fotoana izay dia malemy ny tenantsika. Misy zavatra ao anatintsika izay tsy maintsy hihinanantsika sakafo. Ny sakafo indray andro dia tsy haharitra hatramin’ilay andro manaraka. Tsy maintsy mihinana sakafo isan’andro ianareo, mba hampatanjaka ny vatanareo mety maty. Afaka mitohy velona ianareo, saingy miha-malemy. Ary amin’ny andro faharoa, dia mbola miha-malemy foana ianareo. Ary amin’ny andro fahatelo, dia lasa malemy tanteraka ianareo.

⁹⁷ Eny, izany no ataontsika matetika ao amin’ny faritra arapanahy. Hitanareo, isan’andro dia tokony hifandray amin’i Kristy isika. Tokony hiresaka Aminy isan’andro isika. Tokony handamina an’izany miaraka Aminy isan’andro isika. Hoy Paoly hoe, “Maty isan’andro aho.” Hitanareo? “Isan’andro, dia maty aho; kanefa velona aho, tsy izaho fa Kristy no velona ato anatiko.” Noho izany, raha mila sakafo isan’andro sy fisotro isan’andro ny tenanareo ara-batana, mba hahari-miaina, dia mila Sakafo ara-panahy sy fifandraisana amin’ny Tompo isan’andro ny tenanareo ara-panahy, mba hahari-miaina. Eny.

Hoy Jesosy hoe, “Tsy ny mofo ihany no hiveloman’ny olona, fa ny Teny rehetra izay aloaky ny vavan’Andriamanitra.” Noho izany, dia tsy maintsy mianatra ny Baiboly isika. Ny olona sasany dia tsy mianatra Azy mihitsy. Ny sasany dia mandray Azy indroa na intelo isan-taona. Fa, ny tena, tena mpino iray izay miorina ara-panahy marina tokoa, dia mamaky ny Baiboliny isan’andro, ary miresaka amin’ny Tompo. Marina izany. [Elanelana tsy voaraki-peo—Mpand.] Tsy maintsy izy. “Tsy ny mofo ihany no hiveloman’ny olona, fa ny Teny rehetra izay aloaky ny vavan’Andriamanitra.”

⁹⁸ Ankehitriny, zavatra hafa iray hihinanantsika sakafy, dia manorina ny vatantsika hanohitra an’ireo aretina. Raha tsy mihinana sakafy ianareo, ka mamela ny vatanareo ho lasa malemy, amin’izay fotoana izay dia eo ambany fifehezan’ny aretina izy. Hiditra avy hatrany ao anatin’ny fikorian-drà ireo aretina, ary indro fa vita ianareo. Raha tsy manan-karena sy madio ny rànareo, eny, amin’izay fotoana izay izy dia, hiditra avy hatrany ao anatin’ny fikorian-drànareo ny aretina. Noho izany dia tsy maintsy mihinana sakafy tsara mahavelona ianareo mba hihazona tsara ny fikorian-drànareo. Raha tsy mihinana ianareo, dia mora azon’ny aretina. Izany no olana amin’ireo Kristiana maro.

⁹⁹ Tahaka an’ireo voly ao anaty trano mafana. Fantatrareo, alaivo ny voly iray avy ao anaty trano mafana, tsy maintsy handrotsirotsy azy ianareo. Tsy fantany ny toetr’andro. Tsy fantany ny taramasoandro sy ny sisa, efa voarakotra sy voarotsirotsy izy. Ary izany no olana amin’ireo mody antsoina hoe Kristiana marobe, voly ao anaty trano mafana izy ireo. Marina izany, eo ambany fifehezan’ny bibikely rehetra izay mandalo! Fantatrareo, izany fotsiny dia ireo—ireo... Izany fotsiny dia ireo—ireo voly mora simba izay tsy maintsyfafazana, na, ireo voly mifangaro.

¹⁰⁰ Fantatrareo, alaivo ny ombivavy hereford antitra iray ka alefaso eo amin’ny ahi-maitso eo izy, ary alefaso eo ny lavatandroka iray, io lavatandroka io dia afaka manao ny lâlany manokana satria taranaka tany am-boalohany izy. Fa alaivo ny Brangus na Hereford iray izay nampanarahana ary mifangaro, ombivavy iray tsara jerena kokoa izy, azo antoka, matavy kokoa sy salama kokoa, saingy alefaso eo izy ireo, tsy afaka manao ny lâlany izy ireo. Ho faty izy ireo! Tsy maintsy rotsirotsiana izy ireo. Hitanareo!

¹⁰¹ Ary izany ilay olana amin’izao andro izao, manana an’ireo Kristiana miakanjo tsaratsara kokoa isika, ireo fiangonana goavana kokoa, ary maro amin’ny—ny fianarana, teolojia maro, saingy tsy maintsy rotsirotsiana foana izy ireo, tsy maintsy mijery amin’ny alàlan’ny solomasonry ianareo raha tsy izany dia tsy mahita mihitsy. Ny ilaintsika dia Kristiana

ara-taranaka, teraka teo ambanin'ny Ràn'ny Tompo Jesosy, izay tsy mivelona amin'ny teolojiam-piagonana, fa amin'ny Tenin'Andriamanitra, ny fifandraisana amin'i Kristy. Miditra ao amin'ilay mpino ny Teny, ny—voaorina ny vatany ara-panahy. Tsy zazakely iray anaty trano mafana!

¹⁰² Nisy mpitoriteny anankiray nilaza androany, nandre azy aho, nilaza an'izany tao amin'ny fampielezam-peo izy, nilaza izy, fa rehefa tonga tao amin'ilay firenena izy, dia tratry ny aretin'ny taolan'rona lehibe, ary niresaka mikasika ny fandidiana iray izy ireo. Dia nilaza izy ireo fa hanao an'ity sy itsy, ary handrantsana sy handidy azy, ary hanaisotra ny ampahan'ireo glandin'ny taolan'rona, izay hampilentika ny tarehiny, sy ny sisa tahaka an'izany. Ary nilaza izy fa efa nihinana pilina amantaoniny. Toy ny hoe pilina marobe no tsy maintsy nohaniny. Fa rehefa nanatona dokotera Kristiana tsara iray izy, dia hoy ilay dokotera hoe, "Ndao isika hanadino an'ireo pilina ary ndao isika hanadino an'ilay fandidiana, fa ndao isika hanorina an'ilay vatana mba ahafahany mahatohitra an'ireo aretin'ny taolan'rona." Izay ilay izy!

¹⁰³ Inona ny olana amin'ny olona izay tsy ela velona tahaka azy ireo fahiny? Mila maka tsindrona iray ho an'ity isika ary tsindrona iray ho an'itsy, ary mamafy ny tenantsika amin'ireo karazana fanafody rehetra. Inona no ataon'izany? Manao antsika ho malemy izany, matavy, miroraka, tsy tsara. Nefa ny olona taloha ela be... Nahoana, mora azon'ny zavatra rehetra isika. Ankehitriny dia mora azon'ny zavatra tsy ara-dalàna izy ireo sy ny zavatra hafa.

¹⁰⁴ Nitsangana tany Afrika aho, tsy afaka naka tsindrona iray ho an'ny malaria. Fa raha nipetraka teo amin'ny tànako ny moka iray mpitondra malaria, dia ho tratry ny malaria aho. Tsy mimonomonona izy ireo, ka zara ianareo raha mahafantatra. Mipetraka izy ireo, mipetraka fotsiny izy ireo, dia izay ilay izy, tratran'izany ianareo. Raha velona ianareo, dia banana an'izany mandritry ny dimy ambin'ny folo taona. Ary avy eo matetika dia maty niaraka amin'izany ianareo. Ary tany ireto teratany tao anatin'ny trano bongo keliny ireto, niaraka tamin'ny moka nanerana ny ranjony rehetra, nitanjaka izy ireo. Nanindrona azy ireo ny moka, ireo moka mpitondra malaria, fa tsy nanelingelina azy ireo izany. Nahoana? Efa nanao fanefitra iray izy ireo. Nahazo vakisiny iray nomen'Andriamanitra izy ireo.

¹⁰⁵ Ary izany ilay olana amin'ny olona amin'izao andro izao. Izany ilay olana amin'ny fiagonana. Manana tsindron-jazakely be loatra isika ary teolojia nataon'olona, hany ka voafafy isika. Ny ilauntsika dia vakisinin'Andriamanitra amin'ny alalan'ny Tenin'ny Tompo Andriamanitra. Ny olona dia hivelona isan'andro amin'io karazana Sakafo io, mba hanorina ny fanahiny ao anatin'ny vakisiny hanohitra an'ireo aretina ara-

panahy izay tondraka sy miperitaka manerana ny firenena. Manana naoty betsaka eo amin'io aho, saingy tsy maintsy hijanona.

¹⁰⁶ Ankehitriny, miorena, aoka ho vonona ho an'ilay vakisiny. Ankehitriny, mivelona amin'ity isika, ireo—tsy maintsy manana an'ity ireo vatantsika. Fa, raha tsy manana isika amin'izay fotoana izay dia eo ambanin'ny fifehezan'ny karazana aretina rehetra. Ary ny Tenin'Andriamanitra, satria mino an'Izany isika ary manaiky an'Izany amin'ny alàlan'ny fandraisana hoe, "Tompo, Ny Teninao no Fahamarinana."

¹⁰⁷ "Milaza ny fiangonako fa tsy mila hateraka indray ianareo. Hoy izy ireo hoe, 'Fandrais-tàhana no atao hoe hateraka indray.' Hoy izy ireo hoe, 'Famafazana.' Milaza an'ireo zavatra hafa rehetra ireo izy ireo hoe, 'Izay ilay izy, Ray, Zanaka ary Fanahy Masina.'" Saingy ny Baiboly no nilaza fa hatao batisa amin'ny Anaran'i Jesosy Kristy. Hitanareo? Ankehitriny, mandrosoa ianareo miaraka amin'ireo tsindronanoforonina ireo raha tianareo, hanao ny tenanareo ho Kristiananoforonina iray ianareo. Hitanareo? Tsy mila an'izany ianareo.

¹⁰⁸ Tsy afaka mahazo Fiaianana ianareo, fa amin'ny alàlan'i Kristy irery ihany. Ary inona no ataon'Ny Teniny ankehitriny? Izany dia manorina ny vatantsika ara-panahy, matanjaka, satria mifandray Aminy isika, mba hanohitra ny devoly.

¹⁰⁹ Hoy ianareo hoe, "Rahalahy Branham, inona ilay lazainao hoe, 'mifandray amin'Ny Teniny'?"

¹¹⁰ Eny, Izy no Teny. "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika." Ary tokony hihinana ny Vatany isika. Noho izany ny Vatany dia Ny Teniny, satria Izy no Teny. Ary Izy no nilaza, ao amin'ny Masindahy Jaona 15 hoe, "Raha mitoetra ao Amiko ianareo, ary ny Fandraisako, Ny Teniko, mitoetra ao aminareo, amin'izay fotoana izay dia afaka mangataka an'izay tianareo ianareo ary hatao ho anareo izany." Eo ianareo izao. Marina izany. Hitanareo, angataho izay tianareo!

¹¹¹ Inona no ataonareo? Manorina ny vatanareo ho amin'ilay vakisiny ianareo avy tamin'ny... Tonga ny olona iray ka nanao hoe, "Oh, ny fiangonanay dia tsy mino ny fikiakiahana." Hitanareo, voaorina ianareo. Inona? Manana fifandraisana ianareo ao anatinareo, ny Teny. Ary vita vakisiny avy amin'izany ianareo. Raha miditra ny andiam-pahadalana iray, dia inona izany? Tsy manana Teny ao aminy izany, noho izany dia azonareo antoka fa diso izany. Tsy ahoako na toa tena misy toy ny inona aza ilay izy, raha tsy ny Teny ilay izy dia avelao hipetraka tsara. Marina, avelao hipetraka tsara izany. Tsy ahoako izay ataony, tsy maintsy mitaha amin'ny Teny ilay izy!

¹¹² Tao amin'ny vavaka, araka ny nanononako an'i Mikaia izay nitsangana tany, dia jereo, toy ny tena tsara marina tokoa ilay izy, raha mbola teo Israely, ary io ampanahantany io dia azy ireo. Niditra ireo vahiny ary nanaisotra an'izany tamin'izy ireo ka nanorina ny tranony manokana, ary nameno ny ampanahantany izay nomen'Andriamanitra azy ireo. Noho izany dia toy ny hoe marina ny an'ireo mpaminany Hebreo efajato ireo. Saingy, fantatrareo, nisy zavatra mikasika ny hoe ara-panahy i Josafata, hoy izy hoe, "Tsy manana anankiray hafa ve ianao?"

¹¹³ Hoy izy, "Manana anankiray hafa aho, saingy," hoy izy, "halako izy. Ny zavatra tokana ataony dia ny maminany ny ratsy."

Hoy izy, "Mandehana alaivo izy ka ndao isika hihaino azy."

¹¹⁴ Ary tonga izy, hoy izy hoe, "Mandehana, mandehana miakatra any, saingy nahita ny Israely nihahaka tahaka ny ondry tsy manana mpiandry aho." Ary avy eo dia niteny ny fahitany izy.

¹¹⁵ Ankehitriny, ny an'iza no marina? Toy ny hoe marina ny an'ireo efajato. Lehilahy efajato tsara hofana, no nanao hoe, "Miakara, momba anao ny Tompo." Ary na dia i Zedekia aza dia nanana ny—ny—ny—nanana ny... Zedekia dia nanana tandroka vy goavana roa voaorina. Hoy izy hoe, "Amin'ny alàlan'ity no hanosehanao an'ireo vahiny ireo hiala amin'ny tany." Nanana antoka izy fa ny azy no marina. Fantany fa ny azy no marina. Saingy, hitanareo, diso izy.

¹¹⁶ Ary indro i Mikaia, anankiray manohitra efajato, ary hoy izy hoe, "Raha miakatra ianao, dia hihahaka ny Israely, tsy misy mpiandry."

¹¹⁷ Dia hoy ireo hafa hoe, "Miakara, momba anao ny Tompo!" Ankehitriny, ara-materialy, dia marina ny azy ireo, an'ny Israely ilay toerana. Saingy efa nanameloka an'i Ahaba ny Tenin'ny Tompo, noho izany dia ahoana no nahafahan'Andriamanitra hitahy an'izay efa Nozoniny?

¹¹⁸ Eo ilay izy amin'izao andro izao. Hitanareo? Ny Tenin'ny fandraisana no tao amin'i Mikaia. Ankehitriny, raha mifandray amin'Andriamanitra amin'ny fandraisana ny tena fandraisana ianareo, nefy ny fanahy ao anatinareo tsy mifanaraka amin'ity Teny ity, dia tsy mifandray amin'Andriamanitra ianareo, mifandray amin'ireo devoly ianareo. Ary tena maka tahaka izy ireo! Hoy ny Baiboly hoe, "Amin'ny andro farany dia saiky hamitaka an'ilay tena Voafidy izy ireo raha azo atao. Saingy ny lanitra sy ny tany ho levona, fa Ny Teniko tsy ho levona." Ary raha ny... Hoy i Paoly, Galatiana 1:8 hoe, "Raha misy anjely iray avy any an-danitra mitory Filazantsara hafa noho Ity efa renareo ity, dia aoka izy ho voaozona." Na dia anjely iray aza! Tao amin'ilay fiangonana voalohany, rehefa ireo lehilahy, tahaka an'i Masindahy Martin, Irenée, ireo lehilahy masina ireo,

rehefa niseho tahaka ny anjelin'ny fahazavana iray ny devoly. Fa, diniho, hiala kely fotsiny amin'ny Teny izy.

¹¹⁹ Niseho teo amin'i Eva tahaka ny anjelin'ny fahazavana iray izy, niteny taminy hoe, "Azo antoka, fa ny Tompo dia nilaza an'ity, ny Tompo dia nilaza an'ity," saingy tsy nifanaraka tamin'Andriamanitra mihitsy izy tamin'ny farany. Ary tahaka an'izany no ataon'ny fandraisana sandoka amin'izao andro izao. Rehefa mihevitra ny olona fa mivavaka amin'Andriamanitra izy ireo, nefä tsy hankatò ny Teny, dia fandraisana sandoka izany.

¹²⁰ "Raha mitoetra ao Amiko ianareo, ary Ny Teniko ao aminareo, amin'izay fotoana izay dia angataho izay tianareo," hitanareo, "fa hatao izany." Ankehitriny, tsy afaka handeha indray mandeha fotsiny izany, avy eo dia tsy handeha amin'ny manaraka. "Raha mitoetra ao Amiko ianareo, Ireo Teniko mitoetra ao aminareo," izany hoe, mijanona ao. *Mitoetra* dia midika hoe "mipetraka ao, mijanona tsara ao." Eny, izany—izany no vakisiny manohittra an'ireo aretim-pahotana.

¹²¹ Ankehitriny, mamelà ahy hamarana amin'ny filazana an'ity teny anankiray ity ankehitriny, alohan'ny handehanantsika eo amin'ny latabaty ny fandraisana. Ny Rà sy ny Vatan'ny Tompo, dia mifangaro amin'ny finoana, izany dia ilay Rà sy ilay Vatana, izany hoe ilay Fanahy sy ny Teny, mifangaro amin'ny finoana, mira Fiainana Mandrakizay. "Izay mihinana Ny Nofoko sy misotro Ny Ràko no manana Fiainana Mandrakizay, ary Izaho hanangana azy amin'ny andro farany." Eo ianareo izao. Inona izany? Ny fandraisan'ny Tompo. Ny Teny sy ny Fanahy, io Aina io dia ao anatin'ny Rà, ny Teny sy ny Fanahy mira Fiainana Mandrakizay, amin'ny alàlan'ny finoana ny Tompo.

¹²² Ity no fivavako, raha mahita ny farany manatona aho ka mahita, fa amin'ny minitra rehetra, dia mety hisy zavatra hitranga, ary mahafantatra fa tsy lavitry ny Fihavian'ny Tompo isika. Tompo, noho izany amin'ny Anaran'ny Tompo Jesosy, ilay Zanak'Andriamanitra, avelao aho handray ny Teny, ilay Sabatra, ka hanofahofa Azy miaraka amin'izay finoana ananako, ka hamakivaky ny lâlako manerana ny herin-demony rehetra, mandra-pahitako an'i Jesosy, amin'ny alàlan'ny fifandraisan'Ny Teniny.

¹²³ Mifandray amin'Ny Teniny. "Raha mitoetra ao Amiko ianareo, ary Ny Teniko ao aminareo, amin'izay fotoana izay dia angataho Amiko izay tianareo fa hatao ho anareo izany." Tsara tarehy toy ny ahoana! Izany no tena fandraisanana miaraka amin'ny Teny sy ny Fanahy, miaraka amin'ny finoana hanofahofana an'Izany miaraka hoe, "Angataho izay tianareo, dia hatao ho anareo izany." Ndao isika hivavaka.

¹²⁴ Andriamanitra Ray Mpiahy sy Ambony Masina, ilay IZAHO NO IZY lehibe, ilay El Shaddai, ho an'i Abrahama. O Andriamanitra, ahoana fa ity fandraisan'ny Tompo lehibe ity

dia mira Fiainana Mandrakizay, ary ahoana fa Izany dia manao vakisiny manohitra ny fireharehana, ahoana fa Izany dia manao vakisiny manohitra ny tsi-finoana, ahoana fa Izany dia manao vakisiny manohitra ny fahotan'izao tontolo izao! Izany no fandraisana, miaraka amin'ny fitiavana Masina ho an'ny Rainay any An-danitra. Ary amin'ny alàlan'ny fahamarinan'i Jesosy Kristy no anananay fidirana eo amin'ity latabatra ity. Ary mivavaka izahay, Tompo, mba Hanomezanao ho an'ny tsirairay avy aminay an'io fidirana io izao hariva izao, ao amin'ny Fanahy. Mamelà anay. Ary mila ny vatanay ara-panahy hitombo izahay. Tsy ahoanay ny mikasika ny fikambanana amin'ny fiangonana iray na anaram-piangonana. Te-hanorina an'ilay vatana ara-panahy izahay, ho amin'ilay vakisinin'ny fahotana, ho eo amin'ny toerana iray izay tsy misy faniriana hanao ratsy intsony, ary eo amin'izay ahafahan'ny Fanahy Masina haka Ny Teniny Manokana sy ireo molotray, ka miteny Azy madio mihtisy tahaka ny nitenenana Azy tamin'io andro io, satria Izany ilay Fanahy iray ihany izay tao amin'ny Tompo Jesosy. Mivavaka aho, Ray, mba Hanomezanao an'izany ho anay.

¹²⁵ Eo am-pifaranana ireo ora. Rahoviana marina, tsy fantatray, no ho voavonjy ilay anankiray farany. Fa mivavaka aho izao hariva izao, Tompo, raha misy eto ireo izay tsy mahafantatra Anao ho Mpamontjiny, dia enga anie izy ireo hahita Anao raha manatona an'io ranon'ny batisa io, ho fahatsiarovana iray, mba hiaiky amin'ity vatan'ny mpino ity fa mino an'ilay tantara izy ireo hoe Jesosy avy any Nazareta dia naterak'i Maria virijiny, sy novonoina, nohomboan'i Pontio Pilato, ary natsangan'Andriamanitra tamin'ny andro fahatelo, ka mipetraka eo an-tànana ankavanan'Ny Fiandrianany, izao hariva izao, velona mandrakizay mba hanao fanelanelanana.

¹²⁶ Ekeo, Tompo, mba io olona iray io ihany, izay hankatò an'ireo didin'ny Baiboly hoe, "Mibebaha, ny tsirairay avy aminareo, ka aoka hatao batisa amin'ny Anaran'i Jesosy Kristy ho famelàna ny fahotanareo. Fa tsy misy anarana hafa eto ambanin'ny Lanitra nomena eo anivon'ny olona izay tsy maintsy hahavoavonjy anareo." O Andriamanitra, enga anie ny olona hahita ny fahatsoram-pon'izany, sy ilay Teny mafy hoe, "Tsy misy anarana hafa eto ambanin'ny Lanitra nomena eo anivon'ny olona izay tsy maintsy hahavoavonjy anareo, afa-tsy amin'ny Anaran'i Jesosy Kristy." Noho izany, dia hoy ilay apostoly hoe, "Mibebaha, ny tsirairay avy aminareo ka aoka hatao batisa amin'ny Anaran'i Jesosy Kristy ho famelàna ny fahotana, ary ianareo handray ny fanomezan'ny Fanahy Masina. Fa ny teny fikasana dia ho an'ny taona tsirairay, arak'izay hantsoin'ny Tompo Andriamanitsika." Ekeo, Tompo, mba hisy antso betsaka izao hariva izao.

¹²⁷ Ary izao koa no voalaza, tamin'ny alàlan'ny Tomponay hoe, "Tsy misy olona mahay manatona Ahy raha tsy Ny Raiko no

mitarika azy, ary izay rehetra nomen'ny Ray Ahy no hanatona Ahy. Ny ondriko mandre Ny Feoko." Ny vahiny, raha miteny ny vahiny iray, feo iray izay tsy ara-tsortatra, dia hahafantatra an'izany haingana mihitsy ny ondry. O Andriamanitra! Ary raha Ny Feonao izany, ny Baiboly, izay Lazainy, dia handre an'Izany ny ondry tsirairay, satria Izany no Sakafon'ondry. Nifandray izy ireo. Fantatr'izy ireo hoe karazana Sakafo inona no amahanan'ny Ray. "Tsy ny mofo ihany no hiveloman'ny olona, fa ny Teny rehetra izay aloaky ny vavan'Andriamanitra." Ekeo, Tompo, mba ho maro no hahita sy hahazo, ary hanatona Anao izao hariva izao.

¹²⁸ Ireo izay tsy manana ny Fanahy Masina, dia enga anie izy ireo tsy hametraka an'izany ho amin'ny ora hafa iray. Mety ho efa tara loatra afaka ora hafa iray. Mety tsy ho eto izy ireo.

¹²⁹ Ary, Ray, raha miangona manodidina ny latabatratra izahay ankehitriny handray an'ity fanehoana ny Vatanao novakivakiana ity, dia mivavaka izahay mba raha misy fahotana eto afovoanay, Tompo, dia mameleà anay. Hoy Ianao hoe, "Rehefa tonga miaraka ianareo, dia mifampiandrassa." Andriamanitra, raha misy fahotana iray ato amin'ity fiangonana ity, na aiza na aiza, dia mivavaka aho mba hanasarahan'ny Ràn'i Jesosy Kristy an'izany lehilahy izany amin'ny fahotany, na izany vehivavy izany, zazalahy na zazavavy. Ary, Ray, mivavaka ho an'ny tenako aho, mba Hanasarahanao ahy amin'ny fisalasalana rehetra, ny fahotana rehetra, ny tsi-finoana rehetra, ny zavatra rehetra izay... Fantatray fa ny tsi-finoana no fahotana. Izany no fahotana tokana izay misy. "Izay tsy mino dia efa voaheloka sahady." Ary fahotana tokana ihany no misy, dia ny tsy mino ny Tenin'Andriamanitra. Ary, Ray, raha misy tsi-finoana ao anatiko, dia mameleà ahy, O Andriamanitra, ary misy betsaka, ka mivavaka aho mba Hamelànao ahy. Mameleà ny fiangonako izay Nomenao ahy izao hariva izao, ka fahano amin'ny Teny izy ireo. Ekeo izany.

¹³⁰ Ary raha mandray an'ireto fahatsiarovana kely ireto an'ilay Vatany novakivakiana Izay nitsangana tamin'ny maty ka velona mandrakizay eo anivonay izahay, dia enga anie izahay handray ny fandraisana avy Aminy, Tompo, ilay fifandraisan'ny Fanahy Masina. Ekeo izany, Ray. Mangataka amin'ny Anaran'i Jesosy izahay. Amena.

¹³¹ Ankehitriny, ho anareo izay tsy maintsy handeha ka tsy afaka mijanona mandritry ny fotoan'ny fandraisana eo amin'ny dimy ambin'ny folo minitra eo... Tsy betsaka isika, ary handray ny fandraisana isika. Tsy fandraisana iray mikatona izao. Ho an'ny mpino Kristiana tsirairay tanteraka izao. Andriamanitra tsy nanoratra tsipika eo anelanelan'ny Batista sy Metodista, sy ny sisa. Isika rehetra dia, tamin'ny Fanahy iray, natao batisa tao amin'ny Vatana iray, ary olona teratanin'ny

Fanjakan'Andriamanitra isika. Ary raha misy anankiray eo anivonay izay vahiny, tsy eto matetika loatra aho, ka tsy fantatro hoe iza no mambra ary iza no tsy izy. Tsarovy, tsy mampaninona izay fiangonana ikambananareo, tsy misy idiran'izany amin'io. Fiangonana anankiray ihany no misy, na ahoana na ahoana, ary tsy mikambana amin'Izany ianareo, teraka tao anatin'Izany ianareo. Marina izany. Ary teraka tato amin'ity Fianganan'Andriamanitra ity ianareo. Ary mivavaka izahay mba handraisanareo an'i Kristy izao hariva izao, mifandray Aminy raha mahatsiaro ny Vatany novakivakiana isika, sy ireto singa kely izay raisintsika ireto, an'ny paska, ary enga anie Andriamanitra hamafy ny fontsika sy ny fieritreretantsika amin'ny Rà.

¹³² Ankehitriny dia hitondra ny fandraisana izy ireo, ka hamaky avy ao amin'ny Korintiana Voalohany isika ankehitriny, ny toko faha-12. Ary handray ny fandraisana isika aorian'izany avy hatrany, ary matoky izahay fa hitahy anareo betsaka Andriamanitra. Avy eo vantany vao mamaky an'ity isika, na alohan'ny hamakiana azy mihitsy, raha tsy maintsy handeha ianareo, eny, dia afaka mivoaka moramora. Ary avy eo dia miaraha aminay indray amin'ny Alarobia hariva, sy Alahady maraina ary Alahady hariva. Raha afaka mijanona ianareo mba handray ny fandraisana miaraka aminay, dia tena ho faly izahay ny hanaovanareo an'izany. Avy eo aorian'izany avy hatrany, dia hisy ny Tompo... hisy ny fotoan'ny batisa, izay ho eo amin'ny dimy ambin'ny folo minitra eo, na roapololo minitra farafahabetsany, heveriko. Korintiana Voalohany, ny toko faha-11, ny andininy faha-23.

...izaho efa nandray tamin'ny Tompo izay izaho koa no nanolotra ho anareo, Fa ny Tompo Jesosy tamin'iny alina iny...izay namadihana azy dia nandray ny mofo:

Ary rehefa nanolotra fisaorana izy, dia novakiany izany,...nanao hoe, Raiso, ka hano: ity no tenako, izay novakivakiana ho anareo: izao no ataovy ho fahatsiarovana ahy.

Dia arak'izany ihany koa no nandraisany ny kapoaka, ary rehefa nihinana izy, nanao hoe, Ity no kapoaky ny fanekena vaovao amin'ny ràko: izao no ataovy, na oviana ianareo no misotro azy, ho fahatsiarovana ahy.

Fa na oviana no ihinananareo an'ity mofo ity, sy hisotroanareo amin'ity kapoaka ity, ianareo dia manambara ny amin'ny fahafatesan'ny Tompo mandrapihaviny.

Koa na iza na iza tsy hihinana an'ity...na iza na iza hihinana an'ity mofo ity, sy misotro amin'ity kapoakan'ny Tompo ity, amin'ny tsi-fahamendrehana, dia ho meloka amin'ny tena sy ny ràn'ny Tompo.

Fa aoka ny olona handinika ny tenany, dia aoka izy hihinana ny mofo, sy hisotro amin'ny kopoaka.

Fa izay mihinana sy misotro amin'ny tsifahamendrehana, dia mihinana sy misotro fanamelohana ho an'ny tenany, satria tsy mamantatra ny tenan'ny Tompo.

Noho izany dia betsaka no marary sy marofy eo anivonareo, . . . maro no nodimandry.

Fa raha mba hitsara ny tenantsika isika, dia tsy hotsaraina.

Fa raha tsaraina isika, dia faizin'ny Tompo, mba tsy hotsaraina miaraka amin'izao tontolo izao isika.

Koa, ry rahalahy, rehefa tonga miaraka ianareo mba hihinana, dia andraso ny hafa.

¹³³ Ankehitriny, fotoana iray fotsiny an'ny vavaka mangina ho an'ny tsirairay avy amintsika, mivavaha ho ahy raha mivavaka ho anareo aho. [Miato Rahalahy Branham—Mpand.]

Ekeo ireto fangatahana ireto, Andriamanitra Tsitoha. Mamelà ny helokay tahaka ny namelanay an'ireo izay meloka taminay. Mangataka an'izao amin'ny Anaran'i Jesosy Kristy izahay. Amena.

¹³⁴ Ireto potipotiny kely ireto dia mofo kosher natao tsy misy menaka mandry, fangarony, sy ny sisa, izay maneho ny tenan'ny Tompo. Tsy boribory izy, vakivaky potipotika tanteraka. Izany satria izany dia midika ny Vatany vakivaky izay novakivakiana ho antsika. Ary enga anie Andriamanitra hanaiky an'ireo Fitahiany ho an'ny olona rehetra izay mihinana an'izany. Ankehitriny, tsy izany no ilay vatana, maneho fotsiny ihany an'ilay vatana izany. Tsy manana fahefana aho, tsy misy anankiray hafa manana, mba hanao azy ho zavatra iray afatsy mofo. Andriamanitra irery ihany. Ary izany no Noteneniny tamintsika, mba hihinana an'ity mofo ity sy hisotro an'ity kopoaky ny divay ity. Ankehitriny dia ndao isika hanondrika ny lohantsika.

¹³⁵ Andriamanitra Masina indrindra, Izay izahay no mpanompo, amin'ny Anaran'i Jesosy Kristy, amasino ity mofo ity ho an'ny fampiasana ikasana azy, mba hanao anay, raha mandray azy izahay, hahatsiaro fa nohomboana ny Tomponay; ary ny Vatany, sarobidy sy masina araka ny naha-izy azy, dia nifangaro tamin'ny dian-kapoka sy tsilo ary fantsika, ho anay, mba amin'ny alalan'ny Vatany nopolohina no nivoahan'ny Fanahy izay manome anay ny Fiainana Mandrakizay. Enga anie izahay, Tompo, raha mihinana an'ity izahay, hanana fahasooavana amin'ny dia, tahaka ny nananan'ny Isiraelly efapolo taona tany an-efitra, ka tsy nisy malemy anankiray teo anivon'izy ireo. Andriamanitra Ray, ekeo izao, raha mivavaka

izahay mba Hanamasinanao an'ity mofo ity, mofo kosher, ho an'ny fampiasana ikasana azy. Amin'ny Anaran'i Jesosy. Amena.

¹³⁶ Ny kapoaky ny Fanekena Vaovao, ny Rà. Mieritreritra an'ilay hira aho hoe, "Hatramin'ny nahitako tamin'ny finoana an'io ony izay atolotr'ireo Ratranao mikoriana io, dia fitiavana mahavotra no lohahevitro, ary ho izany mandra-pahafatiko." Rehefa mahita an'io rà io aho, ireo voaloboka, ilay ràn'ireo voaloboka, dia fantatro fa izany dia maneho an'ilay Rà izay nivoaka avy tao amin'ny vatan'ny Tompo Jesosy. Enga anie na iza na iza mandray an'ity hanana Fiainana Mandrakizay, enga anie hiala amin'ny vatan'izy ireo ny aretina, enga anie ny fahasasarana sy ny fahalemena, ny fampahoriania, enga anie ny devoly (amin'ny endriny rehetra) hiala amin'izy ireo, mba ahafahan'izy ireo hanana tanjaka sy fahasalamana lehibe ary Fiainana Mandrakizay, mba hamela ny hazavan'izy ireo hamiratra eo anatrehan'ity taranaka mpijangajanga izay iainanay ity, mba hanome voninahitra an'Andriamanitra.

¹³⁷ Ray any An-danitra, atolotray Anao ny vokatry ny voaloboka. Amin'ny Anaran'i Jesosy Kristy, amasino izy, mba haneho ny Ràn'Ny Zanakao, Jesosy, ao Aminy no anananay hoe, "Voalefona nohon'ny fahadisoantsika, tamin'ny Dian-kapony no nahasitranana antsika." Ekeo, Tompo, mba ho tonga eo aminay io Fiainana io, Fiainana Mandrakizay ao amin'ny fahabetsahany lehibe, mba ahatonganay ho afaka hanompo Anao tsaratsara kokoa, hanana tanjaka sy fahasalamana hitondra anay hitety toerana izay antenainay hanompoana Anao, na aiza na aiza Hiantsoanao anay. Ekeo ireo fitahiana ireo amin'ny Anaran'i Jesosy, no ivavahanay. Amena.



FANDRAISANA MAG62-0204
(Communion)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 4 Febroary, 1962, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org